

KUCHERECHEDZA ZUVA

RAKO NE MHaridzo Yaro

 Mangwanani akanaka, shamwari. Ngatirambei takamira kwekanguva.

Mwari vanodikanwa, apo isu, mukupishana nekumhanyidzana kuno kwehupenyu, tambomira kwenguva dzino shoma dzinotevera kana awa, chero zvaingava, iyo yaMatipa, kuti tipe kurumbidza nembirini kwaMuri, kuti tiparidze Shoko reNyru, kuKuzivai zviri nani, ndosaka taungana mangwanani ano. TinoKutendai, Mwari, nekuti pane vanhu vakagadzirira uye vazvigadzirira pachavo kuuya kuzoteerera. Zvisinei nemamiriro ezvinhu nenguva, uye iyo yatinorarama mairi, vachiri kutenda. Uye tinoKutendai nekuda kwavo.

² Mwari, tinotenda kwazvo kwaMuri nekuda kwesimba reNyru guru rekupodza, vimbiso dzeShoko reNyru. Mwoyo yedu inotsva zvakadini apo patinonzwa zvapupu izvi! Mhando dzose dzekutambudzwa idzo dzakaunzwva pavanakomana vevanhu! Imi, nenyasha dzeNyru nesimba, pamwe nevimbiso yeNyru, zvakavapodza. Uye vari pano, vachipupura, vachipa kurumbidza kuna Mwari. TinoKutendai nekuda kweizvi.

Uye zvino dai isu, nhasi, tanzwa Mharidzo iyo yaMakatipa yenguva ino. Apo patiri kuverenga muShoko reNyru, dai Mukapa kwatiri chirevo cheizvo zvatinoverenga. Regai kuda kweNyru kuitwe mune zvinhu zvose, nekuti tinozvikumbira muZita raJesu. Ameni.

Garai henyu pasi.

³ Iwo mukana wakanaka kuva pano mangwanani ano. Ndiri kufara kwazvo nekuda kwenyu mese. Uye Hama Wood, Hama Roy Roberson, nedzimwe hama dzakawanda, vakashanda zvakatendeka mazuva maviri apfuura, kuti pave nekufefetedzwa muchivakwa chino kuitira chinangwa ichi, nekuti Svondo yapfuura vakaona kuti makatambudzika zvakadini. Uye vaiva nekamari muhomwe yechichi, zvino ivo vakaenda kunoshanda uye vakaiisa kuti ishande kuti mugare makasununguka, nemari yamakaisa mumupiro, pokuti apo munogona kugara, moteerera kuMharidzo. Muri kutonhorera zvakawedzera nhasi pane zvamaive ipapo. Saka tinotenda kuna Mwari, nekwamuri vanhu, nekuda kweuyu mukana.

⁴ Ndino fara...Hama Roy Borders, ivo vanga vachida kuita sekugara kumashure chaiko mangwanani ano. Uye ini ndavaudza kuti vatore chigaro chavo uye vagare kuno pamwe nevashumiri ava, asi havana kuzviita. Sekuziva kwenyu

mese, Hama Borders vanotimiririra mumunda wekuvhangera. Tinofara kwazvo kuva neHama Borders muno, pamwe nevamwe vashumiri vakawanda neshamwari.

⁵ Mukati mevhiki nda—ndange ndichifunga, ndikati, “Kana ndichinge ndasvika zasi uko, Svondo, ndichacherechedza mushumiri wese, munhu wese.” Zvadaro kana uchinge wasvika pano, unenge wakabatikana zvakanyanya muMharidzo kusvikira unongokanganwa zvinhu zvose, potse, izvo zvazvaive.

⁶ Zvino ndinofanira kudzokera kuArizona. Ndinofanira kudzokera Muvhuro unotevera, kwevhiki, kudzokera kuTucson, kuendesa vana ikoko kuitira chikoro. Zvino ndiri kuzodzoka ipapo mushure maizvozvo. Uye mudzimai anofanirwa kunge ave ikoko kare, kuti atange ku... kunonyoresa vana, mavhiki maviri chikoro chisati chatanga. Uye ini, zvadaro, ndiri kuzodzoka kwechinguva kuno.

⁷ Uye zvino ino inguva yangu yekuzorora. Sekuziva kwamunoita, ndakaparidza kubva Zvita; Ndira, Kukadzi, Kurume, Kubvumbi, Chivabvu, Chikumi, naChikunguru. Zvino, kana Mwari vachida, uye pasina kumwe kwandinodanirwa kwakatsaurwa, uno ndiwo mwaka wandi—ndi—ndinotora zororo rangu, nenguva yangu yehoridhe. Ndinoenda kunovhima. Uye ini...

⁸ Zvino kana Ishe vakandidana kune chimwewo chinhu, zvinhu izvozvo zvinenge zvichisina basa. Mwari ndivo vanogara vari pekutanga. Uye ndinoda kuti Vave pekutanga, uye imi munoda kuti Vave pekutanga. Asi zvadaro kana pasina kumwewo kudanwa, uye kuti kuri kuda kwaVo, ndizvo zvandiri kuzoita zvino kwemwedzi mishoma inotevera, kuenda kunovhima zvino, kuti ndizvizorodze. Ndi...

⁹ Hamucherechedzi, nyika haizombofi yakaziva, izvo zvandinofanira kupfuura nemazviri. Maona? Uye kunongova kumanikidza kwakakura. Ndosaka Ishe vakaudza vadzidzi vaVo, apo paVakanga vachifamba navo, “Huyai kwedu tega mugwenga, timbozorora zvishoma.” Maona? Ndinozviona izvozvo zvakanyanya, mazuva ose, uye kunyanya seapo mazuva angu ava kuwanda panyika, muri kuona. Pandiri kukura, uno zvicherechedza. Muri kunzwa mufudzi wedu vari kuti “ameni” kwazviriwo, zvekare. Ivo, isu, tinokwanisa kucherechedza kuti hatisisiri vakomana shure kwekunge tapfuura makore makumi mashanu ekuberekwa. Zvino tinofanira kuva neimwe nguva shoma.

¹⁰ Tinotenda zvikuru nekuda kwezvapupu zvatichangobva kunzwa. Mudzimai aiva uko kwaMai Wood, nezuro, apo vamwe vanhu vakauya vachibva zasi kuAlabama, kune imwe nzvimbo zasi ikoko, uye vaitaura pamusoro pezvihu zvikuru izvo zvakaitwa nalshe mumusangano iwoyo, zvezana vadiki vachipodzwa, nezvihu zvakasiyana. Nezvihu zvakawanda

kwazvo izvo, ini zvangu, zvaizongotora nguva refu kuti—kuti zvitaurwe.

¹¹ Zvadaro ndinofanira zvekare kurangarira kuti... Ndinotenda vamwe vavo vakandiudza kuti Hanzvadzi Larson vanga vari kuno Svondo mbiri nemwana mudiki. Handaimbozviviza, asi ndinotenda vakati aiva muzukuru wavo, zvichida, kuzokumikidzwa, vachiuya naye kubva zasi kuChicago. Mudzimai wacho aiva nemutsa kwazvo kwateri, uye tinomukoshesa kwazvo. Uye akaunza mwana mudiki kubva kuChicago, kuzokumikidzwa. Apo, iye ane nguva shoma kwazvo yekumuburitsa, ndinofunga, kuti akumikidzwe, asi ari kushuva kuti mwana uyu akumikidzwe kuna Ishe. Saka kana Hanzvadzi Larson vakadaro, apo pandiri kutaura, kana vakangounza mwana iyeye kuno kushumiro ino yekukumikidza.

¹² Uye ipapo, zvichida, apo pavari kugadzirira, ndi—ndinoda kutaura kuti iyi ndiyo yakanga iri Mharidzo yakaomesesa yandati ndamboedza kugadzirira, kusvikira husiku hwapfuura. Nemuvhiki rose, ndaienda mukamuri, ndichiedza kuzvitsaura shure ndadzoka kwandinenge ndadanwa nezvinhu, kuti—kuti ndiedze kuwana chimwe chinhu mupfungwa dzangu chenguva yacho. Uye apo pandaiti ndaenda, nda—ndakanga ndisingakwanise kana... Hapana chaiva chiri mupfungwa dzangu. Uye, nezuro, ndakaenda mubhesimendi. Ndakafunga kuti kwaipisa zvakanyanya, saka ndakaenda mubhesimendi, ndikagara pasi imomo. Uye ndaiedza kutora Bhaibheri rangu ndoverenga, zvino ndaibva ndabatwa nehope. Zvadaro ndaibva ndasimuka ndonwa mvura, ndoedza kuzvizunza, uye ndoenda panze ndofamba-famba, ndogara pasitepisi.

¹³ Mumwe munhu akauya nepo akandiwanikidza ndakabvisa shati yangu, ndakagara pasitepisi; kwaipisa zvakanyanya. Vakabhabhaisa. Handina kuziva kana vakabhabhaisa... Mumwe munhu, aifanira kunge ari mumwe munhu wemuno muguta, kana kuti aikwanisa kunge ari mumwe munhu wemuchechi, akabhabhaisa kwandiri. Zvino nda—ndakanga ndichinyatsofunga, zvakangoitikawo kuti nda—ndakangotarisa kwaiva nemotokari, yaipfuura. Ndikabhabhaisa.

¹⁴ Husiku hwapfuura ndakapinda mumotokari ndikaenda kumusoro takananga kuCharlestown, ndichiedza kuwana chimwe chinhu. Ishe, vaiita sekuti, vaida kunditaurira chimwe chinhu, asi ini... Satani aiedza kumira munzira yangu, kundidzivisa kuti ndisazviite. Saka ndakafunga, “Zvakanaka, kana akaita izvozvo, ini ndichangoramba ndichienda mberi nokumirira, kungoramba ndakamirira, ndichigogodza pamusiwo kusvikira Vavhura.” Saka ipapo munguva shoma yapfuura, kana kuti chingangoita chinguva chidiki seven o’clock dzadarika mangwanani ano, ndamuka rungwanangwana chairwo.

¹⁵ Nezuro, ndairwara zvishoma, ndichiedza...ndakanga ndadya chibage chisina kunyatsopindirana neni zvakangonaka, kuchipisa zvakanyanya, uye nda—ndanga ndiri kuedza kubva pazviri. Uye—uye zvadaro mangwanani ano, dzingaite eight o'clock, zvangoitika kuti ndawana Gwaro iro randikatyamadza kwazvo. Zvino ndatarisa Gwaro iroro zvekare, uye zvekare Rikandikatyamadza kwazvo. Uye ndaenda, ndichiRitevera nemuRugwaro, zvino ndichangopedza maminitsi mashoma apfuura. Saka zvinogona kudaro kuti Ishe vane Mharidzo kwatiri, mangwanani ano, iyo Satani anga achiedza kuidzivisa kubva kwatiri.

Mungaunza mudiki pano here, Hanzvadzi Larson? [Hama Branham vanokumikidza mwana. Chibenga chisina chinhu patepi—Mupepeti] Mwari vave navo uye vavabatsire.

¹⁶ Zvino ndanga ndichikuchengetai, Svondo yapfuura, mazuva maviri, uye ndinofunga...kana kuti, shumiro mbiri, mangwanani nemanheru, uye izvozvo zvinoita kuti zvive zvakakuomera. Ndakanzwisisa kuti izvo...Vamwe venyu munofanira kufamba kuenda kure, uye mopotsa zuva rimwe rekubasa, nezvimwe zvakadaro. Saka kunyangwe kana tiri kuzobva Svondo, Muvhuro, vhiki, Ndichangozivisa shumiro yeSvondo inotevera, Ishe vachida, munoona, kunze kwekunge ungano ingada kuti igare kusvika husiku. Maona, izvozvo, izvozvo zviri...Pane vakawanda venyu!

Vangani vangada kuti ive manheru ano, ngationei, kuva neshumiro manheru ano? Zvino, vangade kuva nayo Svondo inotevera, simudza ruoko rwako inotevera? Ooo! Ini zvangu, zviri pedyosa. Uh! [Mumwe munhu anoti, "Zvakaenzana, hama!"—Mupepeti] Mati kudii? ["Ngativei nayo nguva dzose dziri mbiri."] Uh! [Hama Ben Bryant vanoti, "Ngativei nayo manheru ano, nevhiki rinouya, zvekare, Hama."] Watanga, watanga, Ben! [Hama Branham vanoseka.]

¹⁷ Ndine Mharidzo ino, yakareba, mangwanani ano, asi ini—ini handizive kungoti sei...Uye ndinoziva ndinobatsira kuisa mitemo yechechi, asi imomo, kana mukacherechedza, ndakati, "Kunze kwekunge ndichitepa." Maona? Saka, ino iri kutepwa. Uh-huh. Saka zvichida tichaedza kudzoka nguva dzose dziri mbiri, manheru ano neSvondo inotevera, zvadaro, tichadaro kana Ishe vachitendera, muri kuona. Zvino, kana mukasawana shoko vhiki rino, zvadaro chiuyai Svondo inotevera.

¹⁸ Ndinovenga nyaya yekuti muuye kaviri saizvozvo, asi ndinonzwa kuti hatichisina kunze kweimwezve nguva shoma. Uye ingorangarirai, kana nguva ikaramba ichifamba, hatisi kuzowana mukana yuu kwenguva yakareba. Maona? Rangarirai, chimwe chinhu chichaitika. Zvimwe mutemo uchatimissa, kana kuti Satani achafamba pakati penyu okuparadzanisai.

Zvakagara zvakadaro. Maona? Chimwe chinhu chichaitika, saka ngatikoshesei miniti yega-yega yatinenge tiri pamwe chete.

¹⁹ Saka zvino kune avo vanofanira kudzokera kudzimba dzavo, manheru ano, zvichaita semanheru eSvondo yakapfuura, Ndaingova ne—neMharidzo diki iri pfupi. Uye saka, imi, kana muchiida patepi, ndizvo, chokwadi tinokutumirai tepi iyoyo kana muchifanirwa kudzokera kumba. Hatisi... Ndiri kuzoparidza manheru ano, kana Ishe vachitendera.

²⁰ Ndaiva nechinyorwa nezuro, kana kuti—kana kuti marimwezuro, Mharidzo diki yandakanga ndanyora kubva pakurangarira chimwe chinhu, uye ndeye nguva yakareba. Pane Mharidzo mbiri, zvakadaro. Zvakaita sekova pakati, imwe yadzo ndeyekuti, “Chirongo chiru kubvinza,” kana kuti, “Kudyara kumhepo uchikohwa chamupupuri,” ichingova Mharidzo yeEvhangeri. Mangwanani ano kudzidzisa. Uye saka, manheru ano, zvichida ndichataura nezve, “Kudyara kumhepo uchikohwa chamupupuri,” kana kuti, “Chirongo chiru kubvinza.”

²¹ Uye, mangwanani ano, ndinoda kuverenga kubva paZvinyorwa Zvitsvene zvino.

Uye makagara zvakanaka here? Itai, “Ameni.” [Ungano inoti, “Ameni.”—Mupepeti] Zvakanaka.

Zvino ndinoda kuti imi, mumaBhaibheri enyu, kuti muvhure nen i kuBhuku raHosea, imi munoshuva kuverenga. Uye ngativerengei ndima shoma kubva muchitsauko 6 cheBhuku raHosea, muporofita.

Uye ngatisimukei.

²² Mwari vanodikanwa, hatina kukodzera kutora Bhuku iri mumaoko edu, nekuti tinoverenga muMagwaro kuti hapana munhu Kudenga kana munyika, kana pasi penyika, akanga akakodzera kana kunyangwe kukwanisa kutora Bhuku, kana kunyangwe kutarira paRiri. Oo, zvino pakauya Mumwe akanga akaita segwayana rakanga rakabaiwa; Iye akatora Bhuku, nekuti Akanga akakodzera, uye Akasunungura Zvisimbiso zvaro. Uye tiri kutarisira kwaAri mangwanani ano kuti azarure zvirevo izvi zvakanyorwa muBhuku, nekuti iro iBhuku reRudzikinguro. Vose vakadzikinguro vakanyorwa imomo. Dai tikawana nzvimbo yedu, mangwanani ano, munguva yatiri kurarama. Nekuti tinozvikumbira muZita rajeSu. Ameni.

Uyai zvino, uye tidzokere kuna JEHOVHA: nokuti akabvambura, asi achatipodza; akarova, asi achatisunga patakakuvara.

Kana mazuva maviri apera achatigamuchira: muzuva rechitatu uchatimutsa, uye tichararama pamberi pake.

Ipapo tichaziva, kana tichishingairira kuziva JEHOVHA: kubuda kwake kwakagadzirirwa sekwemangwanani;

uye uchauya kwatiri semvura inonaya, semvura yekunaya yekugumisira neyekutanga panyika.

O Efraimi, ndichaiteiko kwauri? O Judha, ndichaiteiko kwauri? nokuti kunaka kwenyu kwakaita segore ramangwanani, uye sedova repakutanga rinoenda.

Naizvozvo ndakavatema navaporofita; ndakavauraya namashoko omuromo wangu: uye mitongo yenu yakaita sechiedza chinobuda.

Nokuti ndinoda tsitsi, uye kwete chibayiro; uye kuziva Mwari kupfuura zvipiriso zvinopiswa.

Asi ivo savanhu vakadarika sungano: ivo vaka—ivo vakabata nohunyengeri kwandiri.

Gireadhi iguta ravanoita zvakaita, uye rakasvibiswa neropa.

Uye sezvakaita mapoka amakororo anovandira munhu, saizvozvo boka ravapriska rinouraya panzira nokubvumirana: uye...vakaita zvinonyadzisa.

Ndakaona chinhu chinonyangadza kwazvo muimba yaIsraeri: mune hupombwe hwaEfraimi, Israeri yakasvibiswa.

Newewo, O Judha, iye wakatumira kukohwa kwako, nenguva yandinodzosa kutapwa kwavanhu vangu.

²³ Ishe Jesu, torai kubva mune iRi, kubudikidza neMweya weNyuu Mutsvene, chirevo chakatarisirwa, apo patinoramba takamirira paMuri. MuZita raJesu. Ameni.

²⁴ Zvino, chidzidzo changu mangwanani ano ndechokuti: *Kucherechedza Zuva Rako NeMharidzo Yaro.*

Tinoona kubva pachidzidzo cheSvondo yapfuura, sekudzidzisa kwatakaita, *Mutambo WeHwamanda*. Uye ndinoda kuti mucherechedze, zvino, nguva—nguva yelsraeri muwachi yaMwari.

²⁵ Nhasi tiri kushanda pachidzidzo cheSunday school, icho chandinoda kuti muzive nekucherechedza nguva iyo yatiri kurarama. Tatova pedyo nekupererwa, sekuona kwamuri kuita. Uye zvadaro, neizvi, munofanira kuziva awa yacho chaiyo nenguva, nechiratidzo neMharidzo zvamunofanira kugamuchira.

²⁶ Zvino, sekutanga kwatakaita Svondo yapfuura... Takanga tichitaura nezvekunoparidza pamusoro peHwamanda, Hwamanda Nomwe dzekupedzisira dzeBhaibheri. Uye ini, mandiri pachangu, ndaifunga kuti dzaizozaruka sezvakangoita Zvisimbiso. Asi ndakacherechedza pane kuzaruka kumwe nekumwe uku paiva nechimwe chinhu chikuru kwazvo chaiitika.

Uye patakaparidza *Mazera Manomwe EKereke*, uye aive akanyatsokwana kwazvo kusvikira Mweya Mutsvene pachaWo wakaburuka pakati pedu ukazvisimbisa, ndokuzviisa pamapepa, ndokuzviendesa munyika yose, ndokuzviratidza mumwedzi mumatenga, uye ndokuzviratidza kwatiri, mavhiki nemwedzi zvisati zvaitika, kuti ndiyo nzira chaiyo yazvaizoitika nazvo, zvakakwana. Muno mutabhanakeri Akaita kuti zvizivikanwe. Pano pa...munguva, Akaita kuti zvizivikanwe. Pamwedzi nezuva, Akaita kuti zvizivikanwe. Uye nepanzvimbo pane dzinyika panguva ino, Akaita kuti zvizivikanwe; apo hutungamiri hweRoma hwakabvako ndokudzokera kuParastina, zvichiita sokuti aiva papa wekutanga kubvira kumashure (ivo vanoti) Petro aiva papa wacho. Zvino, zvaiva zvinhu zvikuru kwazvo!

²⁷ Zvadaro, tinoona, tisati tasvika paZvisimbiso Zvinomwe zvakavanza zvakavanzika zvose.

Ini ndisiri kuziva zvandakanga ndichidhirowa pabhodhi, zveMazera eKereke. Handina kana. Mwari vanoziva. Nechiratidzo chete, ndakazvidhirowa. Ndisingazive kuti Mwari, gore nemwedzi mitanhatu zvaitevera, vakanga vari kuzozvisimbisa mumatenga, kuburikidza nemwedzi, uye vozvikanda mumapepanhau emunyika. Ndakanga ndisingazvive izvozvo. Ndakanga ndisingazive kuti paizova nekuwora kwemwedzi kusinganzwisisike, kuchimiririra Zera rino reRaodhikia.

²⁸ Zvino, pamapepanhau, unongowana mazera matanhatu. Nekuda kwekuti chechi yeRaodhikia yakanga yakadzikatirwa nerima dema zvachose. Uye kana maizochederedza maitikiro azvo pamweya, sekuiswa kwazvainge zvaitwa naMwari muchadenga. Pandakazviisa pano panyika, ndakasiya kanzvimbo kadiki chaiko, sekuona kwamuri kuita, kanongova kachiedza kadiki-diki chaiko. Painge pangori paya Vasanangurwa chaivo vave kuda kudanwa kubva panyika, ndicho chikonzero ndakachiisa ipapo kuitira zera rechinomwe. Asi Mwari pavakauisa mumatenga, pakanga pakasviba zvachose, kureva kuti zvichida wekupedzisira adanwa kubva muZera iroro reRaodhikia. Hativive. Panogona kuve nemharidzo pazviri.

²⁹ Zvino cherechedzai zvekare, kumashure kwe—kweZvisimbiso Zvinomwe, izvo zvandakange ndisina pfungwa yekuti zvaive zvakadaro.

Pano patabhenakeri iVo vakataura nezvazvo, uye vakanditura kuTucson, Arizona, ndichikutaurirai zvose zvaitika. Uye pane varume vakagara pano, nhasi, vakange variko kuti vazvione zvichitika chaizvoizvo nenzira yazvakataurwa nayo pano kuti zvichaitika, “Ngirozi Nomwe dzaizouya.” Zvadaro mapepanhau akatakura

izvozvo, nemamagazini, nemunyika yose, “Denderedzwa reChiedza chisinganzwisisike riri muchimiro chepiramidhi,” sekuchidhirowa kwandakangochiita pano uye ndikakuratidzai. Chakasimuka kubva painge pakamira Ngirozi dziya, uye chikakwira mamaira makumi matatu mudenga, uye chakapamhama mamaira makumi maviri nemanomwe; kana kuti mamaira makumi maviri nemanomwe kuenda mudenga, uye mamaira makumi matatu pakupamhama, ndakanganwa kuti ndezvipi zvazvaiva. Uye chakaonekwa nemumutunhu ese, pamusoro chaipo peTucson, Arizona, pacho chaipo pazvakaitikira, nguva imwe chete.

³⁰ Munoona, bha—Bhaibheri, Mwari havasi kungo... Uyu haangove mumwe munhu ari kuedza ku—kumanikidzira chimwe chinhu kwamuri, asi kuzarura kwamuri mashandiro chaiwo epamweya enguva ino.

³¹ Uye zvadaro, Mharidzo inotevera, yakazarura Zvisimbiso Zvinomwe, izvo zvakaisa pachena zvakavanzika zvose zvakavanzwa zvemuBhaibheri, Dzidziso, nezvimwe zvakadaro. Izvo, zviri kurwiswa zvisina kunaka nenyika mazuva ano, iri kuZvirwisa uye ichiti Zvakatsveyama, *izvi, izvo*.

³² Muno rimwe zuva muArizona, vachidimura nekubatanidza matepi, kuedza kundiita kuti nditaure zvinhu zvandisina kutaura. Ingorangarirai chiratidzo pamusoro pechirogwa cheArizona! Bhaibheri rakati, “Zvaiva zviri nani kwazvo kwauri kuti dai waiva nedombo riri pamutsipa wako.” Uye chimwe chinhu, chekuti, “Ani naani zvake,” angave muparidzi kana chero hake zvaangave, “akabvisa Shoko rimwe kubva paRiri, kana kuwedzera shoko rimwe chete kwaRiri!” Vanhu vachiisa dudziro yavo paShoko sekupihwa kwaRakaitwa, vachiedza kuita kuti Ritaure chimwe chinhu chandisina kutaura, uye, harisi Shoko rangu; Iro iShoko raKe. “Uyo achawedzera kune, kana kubvisa!”

³³ Uye zvadaro, muchiratidzo, takaona vaporofita ava vachiwira pasi, sekutsanangura kwandakaita kwamuri, ndinotenda, maSvondo akati kuti apfuura. Zvose zvichave zvadaro. Ndakati, “Ingogarirai muri kure nazvo.” Chero bedzi ndiri kurwisana nazvo, zvadaro Mwari havakwanise kurwisana nazvo. Asi ngatiregei Ivo vazviite. Ivo ndiVo Vacho vanopedzerana nazvo. Maona?

³⁴ Zvino takacherechedza, Svondo yapfuura, paiva pane... ndichiparidza mazuva emitambo. Uye paiva nemutambo wepentekosti. Uye pakati pemutambo wepentekosti nemutambo wehwamanda, paiva nenguva yakareba kwazvo; mazuva makumi mashanu chaiwo pakati pepentekosti nemutambo wehwamanda. Uye mazuva makumi mashanu, zvinova, *pentekosti* zvinoreva “makumi mashanu.” Kwaiva kuzunguzwa kwechisote, kana kuti ingat... Paiunzwa zviberekoo zvekutanga

zvegoho. Uye tinoona kuti zvaiva mumufananidzo kumashure uko, nezvibereko zvekutanga zvepanyama, zvichimiririra zvibereko zvepakutanga zveMweya Mutsvene waizodururirwa pavanhu.

Uye tinoona kuti, zvadaro, kuti iwo mazuva makumi mashanu akagamuchirwa neMarudzi, ayo, “Mwari vakadana kubva kuMarudzi vanhu kuitira Zita raVo,” mutambo wepentekosti. Uye tanga tiri kupfuura nemumutambo wepentekosti uya wakareba.

³⁵ Zvino, chaizvoizvo, kubva pamazuva makumi mashanu, panozova nemasabata manomwe chaiwo. Uye masabata manomwe aimiririra Mazera Manomwe eKereke, aizodanwa munguva yemutambo wechipentekosti, wePentekosti, kudana vanhu kubva kuMarudzi kuitira Zita raKe.

Zvino, pakupera kwemasabata manomwe aya, ayo akanga aripo, paifanira kuve neZuva reYananiso, dzaiva Hwamanda Nomwe. Uye Hwamanda Nomwe dzaiva dzokudana zuva rekuchema, kudzokera kuitira Chibairo, kana kuti, Yananiso. Uye tinoona kuti zvadaro, kuti, Israeri, Hwamanda Nomwe dzaiva dzeIsraeri chete.

³⁶ Uye, zvadaro, ndosaka vasina kunditendera kuti ndiparidze idzo Hwamanda Nomwe. Ini ndaitova ndakagadzirira kuzvizivisa, ndaiva nemahoro akagadzirirwa nezvimwe zvose zvekuti tipinde mazviri, kuti ndiparidze Hwamanda Nomwe. Uye ndikati, “Pane chimwe chinhu chiri kundinetsa zvakanyanya,” ndakadaro. Takaramba tichishanda, uye Billy nesu tose, tichiedza kuita kuti zvinhu zvese zvive zvakagadzirirwa kuitira chivakwa chaive nemhepo inofefetera, kuitira vhiki riri kuuya iri, kuitira Hwamanda Nomwe; pachiva nemazuva gumi, kana mazuva masere, tichiva neodhitoriyamu yechikoro. Asi Mweya Mutsvene hauna kunditendera kuti ndizviite, nekuda kwechimwe chikonzero, uye ndakatadza kuziva kuti sei.

Zvino pandakaenda mukati kuti ndinonamata, ndakaudza mudzimai, “Ndava kuenda mukati.” Uye ndakaperera ndakapfugama pamberi paMwari, kuti ndinamate. Uye Ivo vakazarura kwandiri kuti idzo Hwamanda Nomwe dzakarira pasi peChisimbiso cheChitanhatu, uye ndakanga ndakatodziparidza, nenzira yezvepamweya. Maona, ruoko rwaMwari, chinhu chacho chose. NdzedzeIsraeri, uye takazvitora pasi peChisimbiso cheChitanhatu; imi mose munazvo, kuti kutambudzwa kwemaJudha kwaiva kwakadini.

³⁷ Nguva yeMarudzi yakanga iri mumutambo uyu wepentekosti.

Hwamanda, pasi...dzose dzakaridzwa pasi peChisimbiso cheChitanhatu. Uye takazvitora Svondo yapfuura, pasi pemutambo wehwamanda, kana imi mose muchida kuzviwana.

Dzaiva kuti dziitei? Kutora maJudha nekukurumidza, kubva kumativi ose enyika, kuvadzosa munyika yavo. Inofanira kuva iri ipapo. Zvino kuzarurwa kweZvisimbiso, pasi peChisimbiso cheChitanhatu, uye nepasi... Hwamanda Nomwe dzakarira mu—muChisimbiso cheChitanhatu.

³⁸ Zvino, Mharidzo yemutumwa wechinomwe ndeyekuzarura chakavanzika cheZvisimbiso, ichidana vashandi veMarudzi vepaawa yegumi neimwe kuti vagamuchire mubhadharo mumwe chete uyo wakapihwa kune vashandi vepaawa yekutanga. Maona?

Zvino, Jesu akazvidzidzisa. Iye akati paiva nevamwe vanhu vakaenda kunokohwa. Vaiva vapinzwa basa. Uye pavakadaro, vemangwanani-ngwanani, vakagamuchira ngu—ngu—nguva, kobiri pazuva. Uye zvadaro panguva dzemasikati, mumwe munhu akauya ndokupinda pabasa. Uye zvadaro paawa yegumi neimwe, ndiyo awa yekugumisira yezuva, kuti mumwe munhu akauya ndokugamuchira mubhadharo mumwe chete uyo wavakawana paawa yekutanga yezuva; awa yekugumisira.

³⁹ Zvakanyatsokwana, kuti vatumwa veawa yekutanga vaiva neShoko, vaiva neVhangeri, vaiva neChokwadi, vakauya paZuva rePentekosti. Zvadaro pakava nezera rerima rakavavharira kunze. Zvadaro pakati pezuva, Luther, naWesley, nevamwe, vakauya. Uye zvadaro panofanira kuve neMharidzo yenguva yemanheru, uye vogamuchira chinhu chimwe chete icho chavakagamuchira pakutanga. Mharidzo yenguva yemanheru ndeyekudzoreredza zvekare, kudzosa chinhu chiya chimwe chete zvekare.

⁴⁰ Uye rangarirai chiratidzo chevhiki rapfuura, kuti apo Mwenga pawakauya kuzova... kufanoonekwa kwawo. Pakauya Mwenga mudiki, akanaka kwazvo, muchiratidzo. Zvino ini, ndisingafunge nevvazvo; ndakangogara ipapo ndichitarisa kunze. Zvino hapo pakauya Mwenga. Ndakanza Inzwi nechepadivi pangu, richiti, "Uku ndiko kufanoonekwa kweMwenga." Uye Iye akauya nepo. NdakaMucherechedza, zvaAive ari, aiva akanaka kwazvo, ane runako, ari wechidiki. Akanga achifamba achingova nenhano sezvaAikwanisa, kwete kufora; mukungofamba kwe mu—mudzimai, kuti vanofamba sei zvine nyasha, semudzimai. Ndiwo mafambiro aAkanga achiita, achiuya nekuruboshwe rwangu kurutivi *urwu*, zvino handina kuzoMuona.

⁴¹ Zvadaro Vakabva vanditendeutsira kurutivi rwerudyi, uye Vakandiratidza chechi imwe neimwe sekuuya kwadzakanga dzaita dzichibva mumazera. Uye, oo, zvainyadzisira zvakadini! Zvino yekupedzisira raiva zera rechechi rino rekupedzisira, raitungamirirwa nemuroyi. Uye vakanga vakapfeka zvisina hunhu kwazvo, vachitaridzika zvinonyangadza! Uye vakanga vachifora munguva yekuzvonyongoka nerock-and-roll. Uye

madzimai iwayo vachizvikanda pachavo mukungozvonyongoka, vakangobata chibepa, chipfumbu, hunyengeri, sho-... Chipfumbu chiri pakati pechichena nechitema, rwunova ruvara rwekunyengera. Chipfumbu hachisi chichena kana chitema. Ruvara rwekunyengera. Uye nebepa rairatidzika kuva pfumbu, vakaribata pamberi pavo, rakaita semasiketi emaresi ari etambo bedzi dzinorembera vakaribata pamberi pavo, uye vasina kana kupfeka zvachose kubva muchiuno zvichikwira kumusoro. Uye vakanga vachifora kune...kana nguva, kana kuti kuzvonyongoka, uye vachienderera mberi nemumhanzi iwoyo, vachiuya. Uye ndokuti, "Iyo ndiyo chechi."

⁴² Zvino payakapfuura nepandiri, mwoyo wangu wakada kufenda. Ndakafunga, "Kuti ndizvo zviri kuedza here kuunzwa kuna Kristu, seMwenga? Pakushingaira kwose nezvinhu izvo zvakaitwa nemunhu, kuedza kuunza Mwenga waKristu; uye pfambi inotaridzika zvinonyadzisira, ine tsvina, zvinonyangadza zvakadaro kuti ive Mwenga waKristu?" Zvakandiita kuti ndirware pamwoyo wangu.

⁴³ Zvino payaipfuura, mushure mekunge iyo... Ichiuya pamberi pepatakanga takamira, yakanga yakabata bepa pamberi payo, ichizvonyongoka, nekutamba, uye ichizvifambisa kuenda kune rimwe divi uye zvadaro kune rimwe divi, payakanga ichienda, sekutamba kwechimanjemanje uko kwavanako kwezuva ranhasi, ichizvishandisa pachayo mukuita kusina hunhu apo payakanga ichifora.

⁴⁴ Handina mungava pane zvinhu izvi. Ndinokwanisa bedzi kutaura zvandakaona. Uye Mwari seMutongi wangu, asi iyoyo yaiva chechi yaibva kuU.S.A.

⁴⁵ Zvino, payakanga ichipfuura, kumashure kwese kwakanga kusina kufukidzwa zvachose. Uye zvadaro payakanga ichipfuura, ndakanzwa kupera simba pamwe nekurwara.

⁴⁶ Zvadaro Vakati, "Mwenga achaya mukufanoonekwa zvekare." Uye heuno Mwenga akauya kumashure kwayo, Mwenga anotaridzika zvimwe chete seakapfuura pakutanga. Zvadaro mwoyo wangu wakasvetuka nemufaro, kuziva kuti pachava neMwenga. Uye Achange akagadzirwa nechinhu chimwe chete, uye akapfekedzwa chinhu chimwe chete, chakanga chine Uya aive pamavambo. Iye achadanwa.

Uye ndinoziva kuti ichocco iChokwadi. Kana ichocco chisiri chokwadi, ipapo chiratidzo chose chandati ndambova nacho kumashure chakanga chakatsveyama. Uye munhu wese anoziva, kuti, hapana chinhu chimwe chete icho iYe ati ambotitaurira asi kuti chaiva Chokwadi. Zvakaitika, kungoti...

⁴⁷ Uye munokwanisa kuona here, zvadaro, hutsvina hwechechi yemazuva ano, ichizvidana kuti "chechi"?

⁴⁸ Uye mumwe munhu akati rimwe zuva; Hama Ruddell, hama yangu yakakosha, vakamira vakazendamira madziro neche

uko zvino. Kuti, ivo vakaiona segomararwa pamuzambiringa. Uye takanga tichikurukura nezvazvo mukamuri rimwe zuva. Uye Hama Ruddell vakanetseka pamusoro pemamiriro enguva uye ne—uye nemanzwiro emweya uri mumachechi nhasi, kuti watanga sei kuwira pasi. Vashumiri vachibva kwese-kwese, uye nehurukuro kunze kuno, vachivhunza, “Chii chakaitika, Hama Branham? Chii chakaitika?” Oo, ini zvangu!

⁴⁹ Hama Ruddell vakandiyunza muvhunzo wacho, “Vari kurarama nemweya waSatani here, kana kuti chii?”

⁵⁰ Ini ndikati, “Kwete, gomararwa rincarama nesimba remuzambiringa.” Rincarama nekuti, muchero wemucitrus, mu—muremani unokura mumuti wemuranjisi; asi iwo haubereke maranjisi, kunyangwe uchirarama nehupenyu wahwo.

Uye chechi, yekungodanwa nezita, inongova bedzi gomararwa rakadzimikirwa, ichirarama pasi pezita rechinamato, pasi pezita rechechi. Katorike neProtestant, dzinongove magomararwa, dzichikweva si...kubva musimba reMuzambiringa; uye zvakadaro dzichibereka muchero wezvadziri, nekuti hadzina kutendeuka. Dzakanga dzisiri pazano repakutanga, rakatemerwa raMwari, ndicho chikonzero dzichifanira kuramba Shoko uye dzobereka imwe mhando yemuchero. Muti chaiwo wechokwadi, mumudzi wawo, wakatemerwa kubereka maranjisi pamuti wemaranjisi.

Jesu akati, “Ndiri Muzambiringa; imi muri matavi.”

⁵¹ Asi kana muti iwoyo ukazongoburitsa rimwe davi, rinozobereka muchero wawo wepakutanga. Uye panofanira kuva nekudzoreredzwa kwezvinhu zvose izvi, pekupedzisira chaipo peMuzambiringa. Panofanira kuzova, nekuuya, kudzoreredzwa, Chiedza chemanheru kuti chiIvhenekekere uye nekuIita kuti ive yakarurama. Asi iyo ichabva muMuzambiringa, kwete sangano rakadzimikirwa maUri; asi chiberekop chepakutanga cheShoko. Iyo iri kuzobuda kuitira nguva yemanheru. “Uye pachave neChiedza munguva dzemanheru.” Zvinotora Chiedza kuti chilibvise.

⁵² Tarisai kuti Gwaro rakakwana zvakadini! “Zuva risingazonzi masikati kana manheru.” Muchero haugone kuibva kunze kwekunge zuva rauibvisa. Hazvina basa kuti unoparidza zvakadini, chero chipi chaunoita, haugone kuibviswa, haugone kuratidzwa, haugone kusimbisia; kunze bedzi neUyo Akati, “Ndini Chiedza chenyika,” Shoko. Saka panofanira kuuya rimwe si—si—Simba, Mweya Mutsvene pachaKe, kuzoibvisa, kana kuzosimbisa, kana kuratidza, kana kuzoratidza izvo zvaAkafanotaura kuti zvichaitika muzuva ranhasi. Chiedza chemanheru chinoburitsa izvozvo. Inguva yakadini!

⁵³ Mwenga wakapfuura nepanzvimbo imwe chete iyo yaWakanga uri apo Wakanga uri pakutanga. Asi ndakange ndakaUtarisa pawakanga uchitsauka, uye ndichiedza kuUdzosa

ndichiudhonza. Zvino, zvakawanda zvinogona kutaurwa pazvinhu izvi, zvezuva ratiri kurarama.

⁵⁴ Zvino, Hosea akati, muna 6:1, “Dzokerai kuna Ishe” Rangarirai, iye akati vaizoparadzirwa, uye vakazviitwa. Iye akati, “Ivo vachadzoka kunaShe, mushure mekunge vanga vakapararira, uye Ivo vachadaro, vachavasunga pavakakuvara.” Cherechedzai, “Dzokerai... Pararirai; chechipiri... Vakabvamburwa, uye vakapofomadzwa.” Ndizvo chaizvo zvakaitika. “Vachatipodza, uye votisunga patakakuvara.”

SaEzekieri 37, “Mapfupa akaoma, mupata uzere nemapfupa akaoma.” Ezekieri akazviona, kudzoka kwavo zvekare.

Zvadaro cherechedzai, Hosea akati, “Shure kwemazuva maviri!” Shure kwemazuva maviri iVo vaizodzoka kwavari. “Vachatigamuchira uye votipa, votimutsiridza.” Zvino, *kumutsiridza* hazvirevi “rumuko.” *Kumutsiridza*, ipapo, inzwi rimwe chete rinoshandiswa chero kupi zvako, ndakangoritarisa, rinoureka, “rumutsiriro.” “Ivo vachatimutsiridza shure kwemazuva maviri.” Izvozvo zvaizova kuti, “Muzuva rechitatu Vachatimutsiridza zvekare, shure kwekunge Vatiparadzira, nokutipofomadza, nokutibvambura.”

⁵⁵ Munoziva, maJudha vakapofomadzwa nekuda kwechinangwa chaicho chekuti isu tizogona kuva nekuona. Ivo vakabvamburwa, uye vakaparadzirwa, serudzi, uye vakaramba Mesia wavo; kuitira kuti isu tikwanise kugamuchira Mesia, kuitira kuti pagova nevanhu vakadanwa kubva kuMarudzi kuitira Zita raKe.

⁵⁶ Zvino, murume anouya, uye mudzimai otora zita remurume. Marudzi aya akapofomara asingakwanise kuona Zita iroro, “Ishe Jesu Kristu,” murubhabhatidzo! Zvakangoipa kwazvo, asi zvinofanira kudaro. Majudha, vaifanira ku—vaifanira kutadza kuzviona. Pane mumwe chete bedzi anokwanisa kuzviona; ndiye uyo akatemerwa kuzviona. Zvikasadaro, haumbofa wakazviona.

MaJudha haana kuzviona ari Mesia wavo. Uye, zvakadaro, ivo vaiva vadzidzi nevadzidzi vebhaibheri, varume vefundo huru ine mukurumbira, vaiverenga Bhaibheri rimwe chete raunoverenga. Zvino, shure kwekunge zvaziviswa kwatiri, tinokwanisa kuzviona pachena, kuti aiva Mesia. Asi, ivo havana kukwanisa kuzviona, kunyangwe nanhasi havakwanise kuzviona. Ivo vakaporofitwa kuva vakapofomadzwa, zvekare.

⁵⁷ Chechi, zuva ranhasi, yakaporofitwa kuva yakapofomara, kuti irambe Mharidzo yenguva yemanheru. Zvakazarurwa 3 yakataura kudaro, “Iwe unonzwisa urombo, wakasuwa,” cherechedzai chinhano chemwenga humwe husiku, kana kuti chechi, “isina kusimira, bofu, uye isingazvizive.” Ishe Jesu, ivai netsitsi kwatiri! Bhaibheri rakati aiva “asina

kusimira.” Handina kumbobvira ndakazviona kusvikira iye zvino. Chechi yeRaodhikia yakanga isina kusimira. Uye apo payakaoneka mamwe manheru, yakanga “isina kusimira,” handina kuzvicherechedza, “uye yakanga isingazvizive.”

⁵⁸ Oo, tinotenda zvakadini! Sei, ndosaka tichitenda kwazvo! Ndinonzwa kuti hatinyatotenda zvakakwana nekuda kwezvinhu izvo Mwari vari kuzivisa kwatiri.

⁵⁹ “Isina kusimira.” Zvino zviratidzo zvakati, ndokundiratidza kuti iyo yakanga asina kusimira uye yakanga isingazvizive, uye “yakapofomara.” Sezvo Israeri yakanga yakapofomadzwa kuitira kuti Marudzi akwanise kupinda, zvino Marudzi apofomadzwa kuitira kuti Mwenga ukwanise kutorwa uye Israeri igokwanisa kugamuchira mutambo weHwamanda. Zvakanyatsokwana!

⁶⁰ “Shure kwemazuva maviri Vachatimutsiridza, kana kuti kutipa rumutsiriro, vachitiunza pamwe chete, maJudha,” tichitura nezveHwamanda idzi zvino. Uye iYe acha . . . “Uye isu tichararama pamberi pechiso chaKe, kana kuti kuva neHupenyu Husingaperi. Munoono, tichange tiri pamberi pechiso chaKe.” Bhaibheri rakati muno muna Hosea, rakati, “Uye tichararama tiri pamberi pechiso chaKe; Hupenyu, tova neHupenyu tiri pamberi pechiso chaKe.” Ndihwo Hupenyu hwaKe pachaKe, Hupenyu Husingaperi, “tova neHupenyu tiri pamberi pechiso chaKe.”

“Mudzimai anorarama mumafaro akafa iye achirarama.” Saka isu . . . ndokuvimbisa kuti Israeri zvekare ichazova neHupenyu iri pamberi pechiso chaKe. Yanga yakafa, kune chokwadi, nekune mutambo wepentekosti.

⁶¹ Zvino cherechedzai, makanyatsongwarira. “Zvadaro kwapera mazuva maviri.” Zvino, izvozvo zvakanga zvingarevi mazuva maviri emaawa makumi maviri nemana, nekuti pakava ne . . . Izvozvo zvakaitika kumashure chaiko uko, mazana emakore akawanda akapfuura. Maona? Zvaireva, “mazuva maviri naShe,” shure kwezviuru zviviri zvemakore. Zvino, munoziva kuti yava nguva yakareba zvakadini kubva panguva iyoyo? Ave makore mazana makumi maviri nemanomwe kubva ipapo, nekuti muna Hosea pano ndemuna b.c. 780. 1964, munoono, kwave zvingada kudarika angaita makore mazana makumi maviri nemanomwe apfuura. Akati, “Shure kwemazuva maviri, muzuva rechitatu, Vachatimutsiridza zvekare, uye votipa Hupenyu tiri pamberi pechiso chaVo.” Hedzo Hwamanda dzenyu dzichipinda. Ndiyo nguva iyo yatiri kurarama, zuva iro ratiri kurarama.

⁶² Iko zvino, vakanga vakaparadzirwa, vakapofomadzwa, vakaunganidzwa, uye vava kure muzuva rechitatu. Muri kuzviona here? Vakanga vakaparadzirwa, kubva kuParastina, kuenda pasi rose. Vakanga vakapofomadzwa, kuti varambe

Mesia. Uye zvino vaunganidzwa munyika yavo, vakagadzirira kuitira Hwamanda, kuti vacherechedze Yananiso.

Sekutura kwakaita Bhaibheri, “Apo pavachaIgamuchira, uye voMuona aine mavanga ezvipikiri,” mushure mekunge Chechi yatorwa, “uye ivo voti, ‘Ko mavanga aya Makaawana kupi?’ Ivo ndokuti, ‘Muimba yeshamwari dzaNgu.’” Uye Ivo vakati, “Ivo vaizopatsanura, mhuri imwe neimwe, uye vochema nokuungudza, kwemazuva, semhuri yakarasikirwa nemwanakomana wavo ega.” Rangarirai, kuti mutambo weHwamanda waizoita izvozvo. “Kuungudza, kuchema nekuda kweChibairo chakauraiwa,” uye vakanga vaChiramba.

⁶³ Vari munyika yavo. Vakanga vakaparadzirwa, vakapofomadzwa, uye zvino vaunganidzwa. Uye izvi zvose zvaiva pasi peChisimbiso cheChitanhatu, Hwamanda Nomwe dzavo...dzakarira kuti dzivaunganidze pamwe chete, Hwamanda yeChitanhatu. YeChinomwe ndiyo “Hwamanda iya Huru,” sezvatakava nazvo Svondo yapfuura. Hwamanda yeChitanhatu yakarira pasi peChisimbiso cheChitanhatu. Sekuzarurwa kwakaita Chisimbiso chedu cheChitanhatu, zvinhu zvose panguva imwe chete; kungoti, dzavo dzose dzakarira pamwe chete; uko, takanga tiri muzviuru zviviri zvemakore emutambo wepentekosti.

⁶⁴ Zvino, makore mazana makumi maviri nemanomwe kubva panguva iyoyo. Iye akati, “Muzuva rechitatu, tichaunganidzwa zvekare. Shure kwemazuva maviri, muzuva rechitatu, tichaunganidzwa zvekare, uye togamuchira Hupenyu tiri pamberi pechiso chaKe.” Muri kuona vimbiso here? Nguva yacho yakanyatsonyorwa pamadziro. Tiri kuona apo patiri kurarama.

⁶⁵ Zvino vari munyika yavo, vakamirira Mutambo weHwamanda, kana kuti kucherechedza kweYananiso, uye nekumirira Kuuya, kuti vacheme nekuda kwekuramba kwavo panguva yekutanga iyo yavakaIramba. Vari munyika yavo nekuda kwaizvozvo, vakamirira. Ko ivo vose sei vari...Zvinhu zvose zvakanyatsoiswa munzvimbio yazvo.

⁶⁶ Semushumiri weEvhangeri, handione chinhu chimwe chete chasara asi kuenda kweMwenga. Uye Mwenga unofanira kutorwa ivo vasati vakwanisa kucherechedza izvo zvakaitika. Vakanga vakasungwa, vakaparadzirwa...ndiri kureva kuti, vakanga vakaparadzirwa, vakapofomadzwa, asi zvino vaunganidzwa. Chii chasara? Mwenga kuti abviswe munzira. Vakamirira kuenda kweMwenga, kuitira kuti vaporofita vavo vemuna Zvakazarurwa 11 vagovadanira kumutambo weHwamanda, kuti vavaite kuti vacherechedze izvo zvakaita.

⁶⁷ Rangarirai, pakati chaipo peZvisimbiso izvozvo, ndipo pakauya Chisimbiso cheChitanhatu. Uye paiva nezviuru zana zvine makumi mana nemana, vakasarudzwa vakadanwa. Uye pakati peHwamanda yeChitanhatu neyeChinomwe,

Zvakazarurwa 11 inoonekwa ipapo chaipo yakanangana neChisimbiso cheChitanhatu.

⁶⁸ Kuitei? Chii chayaifanira kuita? Uye izvi zvaive zviri zvichizounza zvapupu zviviri, Mosesi naEria, vaporofita. Izvo, maJudha vanotenda vaporofita vavo bedzi. Uye ivo vachauya nechiratidzo chevaporofita, uye basa ravo richange riri iro remuporofita, nekuti ivo vakaita izvozvo chaizvo.

Zvichiratidza chinhu chimwe chete, kuti, munhu, paunofa kana chero chimwewo, paunobva panyika pano, hunhu hwako haushanduke. Kana uri munyepi iko zvino, uchange uri munyepi ikoko. Kana uri unopisa musoro pano, uchange uri unopisa musoro ikoko. Kana uri mupokani pano, uchange uri mupokani ikoko. Varume nemadzimai, ino inguva yekuti tizvizunze uye tozvinzvera pachedu, uye toona apo patimire, nekuti rufu haruvishandure.

⁶⁹ Ivo vakanga vaenda kwemakore zviuru zviviri. Mosesi kwemakore angada kuita mazana makumi maviri nemashanu, uye Eria nekuti kubvira... Potse makore mazana makumi maviri nemashanu apo Eria akanga aenda, uye Mosesi akange aenda, uye pano vanodzoka nehunhu humwe chete uye voita zvinhu zvimwe chete.

Rufu hapana zvarunoita kune munhu asi kushandura nzvimbo yake yekwekugara. Harushandure hunhu hwako. Harushandure kutenda kwako. Hapana zvarunoshandura mauri asi nzvimbo yako yekwekugara.

⁷⁰ Saka, chero zvipi izvo zviri hunhu hwako mangwanani ano! Kana uri mupokani weShoko raMwari, uchazonge uri mupokani ikoko. Handina basa kuti uri mutsvene zvakadini, unorarama sei, uye kuti unorarama zvakanaaka sei, hazvingakushandure nepadiki pakufa, nzvimbo yepekugara yako chete. Uye kana usingakwanise kugamuchira Shoko rose raMwari nenzira yaRakanyorwa nayo, hauzokwanisa kuzviita Ikoko; saka, usanetseke, unenge usiko Ikoko.

Unofanira kuRigamuchira muhuzaro hwaRo, musimba rekusimbisa kwaRo uye nechizaruro chezvaRiri, zvadaro unobva wava chikamu chaRo. IShoko raKe bedzi iro raAchamutsa, sezvaAkaita Shoko raKe pamangwanani eEsta yekutanga. Shoko raKe chete ndiro rakamuka, uye neavo vakanga vafira muShoko raKe, vachitenda Shoko raKe uye vakasimbisa Shoko raKe.

⁷¹ Cherechedzai, zvino, ava makore mazana makumi maviri nemanomwe apfuura. Cherechedzai, vakanga vakaparadzirwa, vakanga vakapofomadzwa, uye zvino vaunganidzwa. Zvino, chinhu chinotevera ndechekuti ivo vave kuzogamuchira Hupenyu.

⁷² Uye Marudzi akadanwa. Mwenga wagadzirira. Kubvutwa kwava pedyo. Tinogona kuzvicherechedza here izvozvo?

Tinokwanisa kunyatsozvitenda izvozvo here? Inyaya yakangotaurwaho here? Ingano here, kwatiri? Ndechimwe chinhu chinonzwika sechemazvirokzwazvo here? Ndechimwe chinhu here icho isu, kunze, tinokwanisa kutenda? Kana kuti, ndechimwe chinhu chiri matiri here, icho chiri chikamu chedu, chekuti chinopfuura hupenu kwatiri? Mafungiro api atigere maari, mangwanani ano, mutabhenakeri ino? Rangarirai, kachave kaboka kadiki kachaRigamuchira.

⁷³ Zvino vari munyika mavo, vakamirira Hwamanda. Zvino vakamirira kuenda kweMwenga mudiki, kuitira kuti Zvakazarurwa 11 ikwanise kuzadziswa. Zera rechechi rapera; Zvisimbiso zvakazarurwa, ndizvo zvinoratidza izvo zvavakasiya muzera rechechi, uye Mharidzo yakapihwa. Israeri yava panzvimbo, hareruya, yakagadzirira Mutambo weHwamanda.

⁷⁴ Oo, imi varume mune dzimwe nyika umo mamuchanzwa tepi ino, haungabengenuke here, hama yangu? Kana kuti, Riri kukupofomadza here? UngaRikandira kunze here uye woRidana kuti chiporofita chenhema? Apo, iRo rakasimbiswa pamberi pako chaipo, nenyika, nenguva, nevanhu, uye neMweya Mutsvene WakaRinyora. Rakasimbiswa, zvose panyama, pamweya, pane zvinobatika. Zvinhu zvose zvaAkataura ndokuzadziswa pamwe nekuratidzwa.

⁷⁵ Israeri iri munyika yayo; vakavafambisa kuenda imomo, vakavatinhira imomo, semakwai. Mhumhi dzakaitandanisa dzikavadzingira kwakachengeteka, kunyika yavo pachavo. Rangarirai, Israeri yakavimbiswa kuropafadzwa chero bedzi iyo yaiva munyika yayo. Mwari havamboropafadze Israeri iri kunze kwenyika yayo. Abrahama akaenda kunze kwenyika, akapihwa mhosva. Munhu wese anobuda munyika yacho anopihwa mhosva. Mwari vanogona bedzi kuropafadza Israeri kana ichigara munyika yayo, uye yavamo zvino senyika. Uye Chechi yakadanwa; iyo yakangomirira Kubvutwa chete, kweMwenga uchitorwa kuenda.

⁷⁶ Zvisimbiso zvakazaruka. Zvakazarurwa kwatiri. Tinoona izvo zvavakasiya. Imi munoda kuitirana nharo nekupikisana pamusoro pembeu yenyoka, nerubhabhatidzo rwemumvura, nezvimwe zvakadaro, makapofomara uye hamuzvizive. Mwari wenyika ino akakupofomadzai, kwaRiri, uye imi hamuzvizive. Ndokusaka ndava nenguva yakadaro mangwanani ano, ndichirwisana nemukumanikidza!

⁷⁷ Kuitira kuti vaporofita vavo vakwanise kuratidza muzuva rino rokupedzisira; havagone kuzviita, kuburikidza neHwamanda, dze...kuburikidza neMutambo weHwamanda.

⁷⁸ Iye akati, kuburikidza naHosea, “Ndakatema.” Zvino tarirai, iIsraeri iyo yaAri kutaura kwairi. “Ndakatema,” kana kuti nemamwe mashoko, “Ndakadimura, ndakavadimura, kuburikidza nevaporofita.” Ndizvo zvinoita naMwari kune

vanhu vaKe. Iye akavadminura kubva kune dzimwe nyika dzose. Nei? Munondo waKe unochecka nemativi ose, Shoko raKe. Iye akavadminura, nyika yaKe, kubva kune dzimwe nyika. Iye akadimura nyika yaKe kubva kune dzimwe nyika, kuburikidza nevaporofita, Shoko raKe rakasimbiswa.

Saizvozvo Iye akadimura Mwenga waKe kubva kumasangano, kuburikidza neShoko raKe; rakavimbiswa naMaraki 4, muzuva rekupedzisira. Kudimura Mwenga waKe, kuUtema kubva kune mamwe machechi ose! Akatema Mwenga waKe!

⁷⁹ Iye akadimura, vaporofita vaKe; kuburikidza, nevaporofita vaKe, neShoko achidimura Israeri. “Zvipatsanurei pachenyu kubva kune vamwe vose.”

Tarisai kune apo pavaida kuitawo sevamwe vose. Vakauya kumuporofita, Samueri. Iye akati, “Ndakambotora mari yenu here? Ndakambotaura kwamuri mune chero chinhu here, nemuZita raIshe, asi kuti izvozvo zvakaitika?”

Ivo vakati, “Kwete, izvo, ndizvozvo chaizvo, asi tinoda mambo zvakadaro.”

⁸⁰ Ndiyo nzira yakaitwa nayo nemachechi. “Oo, tinotenda Shoko. Iro rakanaka, asi, unoziva, ivo vanoti tinofanira kuita izvi.” Handina basa kuti vanoti kudii. Shoko rakarurama!

Vakamirira. Iye akavadminura, kuburikidza nevaporofita.

⁸¹ Inguvai, hama? Inguvai, mushumiri? Muri kuona here nguva yezuva, uye chiratidzo chamuri kurarama pasi pacho? Munokwanisa kuchinzwisia here? Muri kuchiona here?

⁸² Kwese-kwese zvino, hakuna rumutsiriro. Munhu wese ari kunyunyuta, vashumiri vari kuchema. Ndakanga ndichiverenga rimwe re—remapepa akakurumbira iro rinouya pano pachechi, bepa rakanaka kwazvo. Uye ndinoziva mupepeti waro, uye ndinoziva vanhu vacho. Uye ivo vanhu vane humwari, Bakanaka kwazvo, Hama neHanzvadzi Moore, ve*Herald of His Coming*. Rimwe remapepa akanakisa ari mumunda wekuvhangera, *Herald of His Coming*. Asi ivo havazodhinda chero chinhu kunze kwekunge chiri pamusoro pekuti, “Tsanya, namata! Tsanya, namata! Ridza hwamanda! Wana...” Vangani vanoriverenga? Munoziva. Munozviona nguva dzose, “Tsanya, namata! Tsanya, namata!” Ndizvo zvoga zvaunonzwa. “Tsanya, namata! Tiri kuzova nekubuda kukuru kwezuva! Pane chinhu chikuru chichaitika! Imi mose, namatai, namatai, namatai! Hatisati tanyanisa kunonoka nazvino!”

⁸³ Sei vachiita izvozvo? Sei vachiita izvozvo? Vanoda kubengenuka kukuru. Vari kuchema, vachitenda kuti pachave nekubengenuka. Ivo vanhu Bakanaka. Sei zvichidaro? Ko chii chavakaita? Havana kucherechedza kupepuka kweMwenga. Maona? Nekuda kwekuva Mukristu, vanonzwa kudhonza

kwenguva, asi havana kucherechedza izvo zvakaitwa. Ndizvo zviri kuwaita kuti vanzwe saizvozvo. Vanoziva kuti chimwe chinhu chinofanira kuitika, asi, munoona, vari kuchitarisira kure-kure uko mune ramangwana, kuti chiuye, apo icho chakatoitika nechekare pamuri chaipo.

⁸⁴ Ndicho chinhu chimwe chete chavakaita mumazuva ekare. Ivo vaitenda muna Mesia ari kuuya. Vaitenda kuti paizova neanofanotungamira mberi aiuya. Asi zvaiva pavari chaipo, uye ivo havana kuzviziva. Havana kuzvicherechedza. Vaitenda kuti paizouya mumwe anofanoenda mberi uyo aifanoenda mberi kwaMesia, asi vakadimura musoro wake. Uye vakauraya Mesia wavo, nekuti zvakanga zvakaporofitwa kuti vaizopofomadzwa. Hosea akadaro.

⁸⁵ Uye Mweya mumwe chete, uyo wakataura kuburikidza naHosea, wakataura kuburikidza naJohane ukati chechi mumazuva ano ekupedzisira ichazonge “isina kusimira, uye iri bofu, uye yaizoMuburitsa kunze kwechechi.” Vakatadza kuona zviporofita izvozvo zvichizadziswa. Asi, vari imomo, vanocherechedza kuti chimwe chinhu chinofanira kuitika. Havangozvinzwisise. Havazvicherechedze. Zvakangoda kufanana nemaJudha enguva dzekare; Raodhikia yakapofomadzwa; hupfumi, dzidzo yebaibheri, ruvengo neChechi, ruvengo kune Mharidzo. Tarisai kuti maJudha iwayo aiva akavenga sei Johane. Tarisai kuti aiva akavenga sei Jesu, apo Iye aiva Iye chaiye wavaitalaura kuti vaitarisira.

[Muchina wekuwedzera ruzha unoburitsa ruzha rwemahon’era—Mupepeti] Ndinotenda taputitsa fiyuzi. Ndinodaira kuti izvozvo zvinodzima michina yekurekodha matepi, zvekare. Hazvidaro. Zvakanaka.

⁸⁶ Vaiva neruvengo kuMharidzo.

Chii chinoitika, pane kubuditswa kwesimba kwakawanda; mumwe nemumwe wenyu mese uri mudziyo unoburitsa kupisa. Hapana nzira yekuchengeta chechi yakanyatsoita chaizvo zvemazuva ose mune izvozvo, pasi penguva idzodzo. Nekuti, munoona, mumwe nemumwe wenyu munodziya maBTU anoita makumi mapfumbamwe nemasere, pane zvinotarisirwa. Uye haungogara ipapo saizvozvo; nguva dzose unenge uchiburitsa kupisa. Mune mheto yakakwana muno iye zvino kuti muve nechando munzvimbo yose. Asi, nemudziyo unoburitsa kupisa uchienderera mberi, ha—haukwanise kuzviita.

⁸⁷ Cherechedzai, ruvengo! Asi, zvino, semaJudha ekare, yakapofomadzwa! Ivo vari paRaodhikia. Ivo “havana kusimira, vakasuwa, vanonzwisa urombo, uye havazvizive.” Zuva rehupfumi hwakawanda, dzidziso huru dzefundo yebaibheri, dzidzo huru, uye zvino vava neruvengo kuMharidzo. Hapana chavanoda chekuita naYo, sezvazvakanga zvakangoita kare pamazuva apo Jesu weNazareta aive panyika.

⁸⁸ Chikonzero vanhu, muzuva raNoa, vasina kupinda muareka, nekuti havana kucherechedza mharidzo kana mutumwa. Ndicho chikonzero choga vakaparara, imhaka yekuti havana kucherechedza nguva yavakanga vachirarama. Havana kucherechedza kuti Mwari vaizoshanda nechivi sekuvimbisa kwaVakaita kuti Vaizoita. “Vaizoparadza vanhu, kubva pachiso chenyika.” Vakanga vazviporofita. Ivo vairevesa. Uye Vari kurevesa nhasi zvimwe chete sezvaVakaita ipapo.

⁸⁹ Asi vanhu, pachinzimbo chekuva vakanaka kuna Noa, iye aionekwa semunhu anopengereka. Vakanga vasingamutende kuti aiva muporofita. Munoziva, Jesu, Iye Oga pachaKe, akatiudza kuti vaiseka sei mumazuva aNoa, vachiita jee naye, vakamudana kuti mupengerek i nezvimwe zvakawanda. Asi havana kucherechedza nguva yavo. Havana kucherechedza zuva racho. Havana kucherechedza chiratidzo. Havana kucherechedza mharidzo. Havana kucherechedza nhume, asi vakamubvisa kubva pakati pavo vakamuseka. Jesu akati, “Sezvazvaiva mumazuva aNoa!”

⁹⁰ NeIsraeri iri munyika yayo, nezvinhu zvose zvava munzvimbos zvino, uye Mharidzo iri kunyatsofamba ichipinda, izuva ripi ratiri kurarama, hama? Ndepapi patiri?

⁹¹ Vakanga vasingazine zuva. Ivo vakanga vasingazine. Ndicho chikonzero vakaripotsa, nemhaka yekuti havana kuricherechedza. Vaiva vakaita sezuba, zvizhinji vakada kufanana nevanhu nhasi, vakapofomadzwa nehumboo hwesainzi, nehurongwa hwedzidziso, nemaseminar edzidzo yebhaibheri. Uye zvinhu zvakavapofomadza muzuva iroro, zvakaita chinhu chimwe chete nhasi. Zvakavapofomadza, zvekare.

⁹² Uye, zvekare, hunyoro, hunyoro hwemharidzo pamwe nenhume! Noa akanga asiri wezvesainzi. Akanga asiri munhu akadzidza. Aiva murimi murombo, akazvininipisa, aine mharidzo iri nyore. Yaive yakanyanya kuva nyore kwazvo pane kudzidza kwavo kwepamusoro.

Ndizvo zvazviru nhasi! Mwari vanogara vakaiita kuti ive nyore, kuti vawane vanhu vanozotenda pamwe nekuvimba naVo. Iyo yakasiyana, inongova Mharidzo yakasiyana, asi Mwari mumwe chete. Zvino ndinoda kuti multende uye kuti munzwisise kuti Mwari vakaItaura.

⁹³ Jesu akati ivo vakaseka muporofita waKe, Noa. Uye sekuseka kwavakaita muzuva iroro, ndizvo zvavachaita zvekare paKuuya kwaKe. Vaizoita chinhu chimwe chete.

Ndicho chikonzero icho Farao akanyura mugungwa. Iye haana kumbocherechedza zuva rake. Haana kucherechedza kuti chii chakanga chichiitika. Iye akanga akanyanyobatikana mune zvebuldiriro yezera rake rezvesainzi, kuvaka maguta nebasra raiitwa nenhapwa. Iye aiva zvakanyanya—iye aiva

akabatikana zvakanyanyisa, kuti agone kucherechedza mukana waaiva nawo, uye akaendesa nhume-muporofita waMwari kunze uko murenje. Iye haana kuzvicherechedza. Ndicho chikonzero zvinhu zvakaenda nenzira yazvakaenda nayo. Haana kuzvicherechedza. Dai iye akangocherechedza Shoko raMwari rakavimbiswa, kune vanhu ivavo!

⁹⁴ Uye dai machechi nhasi akangocherechedza, dai machechi akangocherechedza Shoko raMwari iro rakaita vimbiso ino yenguva ino, kuwanhu, ivo havaizoparara.

Dai America ikangogona kucherechedza bumbiro remutemo iro rayakanyora, iyo hayaizobvuma kubvisa maBhaibheri kubva muzvikoro, kubvisa Žita raMwari kubva pamakobiri, uye yovimbisa kuzvipira pasi paMwari. Asi iyo haizvicherechedze. Sei? Yakapofomara, haina kusimira. Haikwanise kucherechedza ropa revakomana vaye vakakosha avo vakafira mumasango kuitira mukana uyu. Ivo vakanganwa; ivo ihuruva.

⁹⁵ Asi pane Mumwe chete Uyo anorangerira ropa rakadeurwa revaporofita, mubhadharo wazvakatora kuunza Vhangeri iri kwatiri nhasi. Zvokuti zviuru zvakadyiwa neshumba, uye zvikakandwa mumapako eshumba, zvikachekwa-chekwa nemasaha, zvikapiswa nemoto, zvikarovererwa! Mwari vanozvicherechedza izvozvo.

Chechi yakakanganwa vaporofita vayo. Ivo “havachavada zvachose,” vanodaro. Asi Mwari anoziva kuti Anofanira kuve navo; Iye anoveza vanhu vaKe neShoko raKe. Asi Rava rechinyakare kwazvo kwavari muzuva ranhasi. Ivo havaRicherechedze. Ndicho chikonzero vari muchinhano chavari. Ndicho chikonzero “vasina kusimira, vakasuwa, vakapofomara, vachinzwsa urombo, uye vasingazvizive,” nekuti havacherechedze nguva iyo yatiri kurarama. Havaicherechedze.

⁹⁶ Mosesi, akacherechedza zuva rake nekudanwa kwake, apo paakaona vimbiso yeShoko raMwari yezuva iroro ichisimbiswa. Iye akaziva ipapo, uye akacherechedza kuti aiva ani uye kuti chii chaafanira kuita, kubudikidza neShoko rakavimbiswa. Saka haana kutya izvo zvaitaurwa naani zvake. Iye akanga asinganyare nemharidzo yake, kunyangwe muprisita wese nafarao wese, zvinhu zvose, masimba ose, zvaipesana naye. Asi iye akacherechedza apo paakaona Chiedza chiya, Shongwe yeMoto iya yakarembra muchigwenzi chiya, ndokutura kwaari Shoko rakanga rakavimbiswa rezuba iroro, uye ndokuti, “Ndakudana kuti uende unoziita.” Haana kutya kuytisidzira kukuru kwamambo. Iye akaenda zasi kuti anounza vanhu ivavo pakubuda, sezvakanga zvavimbiswa neShoko raMwari.

⁹⁷ Achiona vimbiso yasimbiswa, akagadzirira vanhu kuitira kubuda kwavo. Riinihi? Apo paakaona vimbiso yaMwari ichisimbiswa. Rangarirai, akamhanya nedzidzo

yake yebaibheri; akamhanya nekudzidziswa kwake. Asi apo paakaona Shoko raMwari richiratidzwa, iye akaRiona richisimbisa, “NDIRI WANDIRI,” zvadaro haana kuve nehany'n'a nezvaitaurwa naani zvake. Haana kutya izvo zvaizoitwa naFarao kwaari. Haana kutya izvo zvaizoitwa nevamwe vose. Iye aingotya Mwari chete, kuti angazotadza kunzwisia Mwari, kana kuti neimwe nzira angazotadza kunzwisia Mwari. Akanga asingatye vanhu uye kuti vaizoti kudii kana kuti vaizoitei. Iye aingotya Mwari chete, mushure mekunge acherechedza kuti raiva Shoko raMwari.

⁹⁸ Haana kunzwisia kuti sei murume akitaita saye aizotumwa zasi ikoko. Asi apo paakacherechedza, neShoko rakasimbisa, izvo zvazvaiva, zvadaro iye haana kutya mirairo yamambo. Kana ukangocherechedza chete, kana isu nhasi tikangogona kucherechedza chete! Mosesi akazvicherechedza apo paakaona Shoko richisimbisa, ndokuona kusimbisa kuchiratidzwa, Akanga atogadzirira kubuda kwevanhu.

Jobho haana kumbocherechedza kuti aiva Mwari. Chero bedzi dhiyabhare achikwanisa—achikwanisa kukuuta kuti utende imwe nguva kuti miedzo midiki yaunopfuura nemairi ndi—ndiMwari angave...ari kukuranga! NdiMwari aiedza kumuratidza chimwe chinhu. Jobho haana kumbozvicherechedza kusvikira aona chiratidzo. SaMosesi; apo Mosesi paakaona chiratidzo, Shongwe yeMoto iri mugwenzi, zvakasimbisa. Uye apo...

Jobho, mumuvhunzo wake, “Kana munhu achinge afa, anokwanisa kurarama zvekare here? Ndinoona muti uchifa, uye worarama zvekare. Ndinoona ruva richifa, uye rorarama zvekare.” Ndiwo waiva muvhunzo wake. “Asi munhu anorara pasi, iye oregedza mweya wake, anoparara hake. Vanakomana vake vanouya kuzochema, asi iye haambozviviza. Oo, dai Maizondivanza mubwiro kusvikira hasha dzeNyu dzapfuura!” Akanga asinganzwisise kuti sei ruva raifa uye rorarama zvekare, kuti shizha raizodonha sei kubva mumuti, pasi, uye rorara pasi, uye rodzoka zvekare mupfumvudza. Iye akati, “Munhu anorara pasi, uye anoenda kupi? Ndinotenda Mwari; asi chii chinoitika kune munhu?”

⁹⁹ Asi zvadaro rimwe zuva mheni yakatanga kopenya, mitinhiro ikatanga kurira, Mweya ukauya pamuporofita. Zvino akaona kuuya kweMunhu Uyo aikwanisa kuisa ruoko rwaKe pane munhu mutadzi, uye naMwari mutsvene, zvino ndokuisa zambuko pamukaha. Ipapo akadanidzira, “Ndinoziva Mudzikanuri wangu anorarama! Kunyangwe honye dzemunyama dzikaparadza mutumbi uno, asi zvakadaro munyama yangu ndichaona Mwari!” Akacherechedza izvo zvaiva rumuko.

¹⁰⁰ Bharamu haana kumbocherechedza Mutumwa kusvikira nyurusu rataura nendimi. Bharamu haana kukwanisa kucherechedza kuti Mutumwa akanga akamira munzira yake. Muparidzi akapofomadzwa haana kukwanisa kucherechedza kuti vaiva Mwari vaiva vakamira munzira, vachiedza kumudzivisa kuti arege kutengesa chipo chake nemari. Uye apo nyurusu parakataura neinzwi remunhu, zvadaro Bharamu akacherechedza kuti aiva Mutumwa aiva akamira munzira yake, achiedza kumudzivisa kubva pakuita zvaakanga achiita.

¹⁰¹ Oo, imi masangano makapofomadzwa! Kana Mwari vachikwanisa kushandisa nyurusu, iro risingataure, kuti ritraure nomutauro uyo warisingazive, kuzarura kune mushumiri kuti abuda mugwara, ko Iye haangakwanise kushandisa munhu here kuita chinhu chimwe chete? Vanhu vakapofomadzwa!

¹⁰² Dai Ahabhu akangocherechedza zuva rake, angadai asina kana kumbopa mhosva kumuporofita, Mikaya, aiva neShoko raMwari revimbiso kwaari.

¹⁰³ Paya Ahabhu paakamira ipapo zuva riya, iye na—naJehoshafati. Uye apo pavaiva nemazana mana evaporofita kunze uko vachiporofita, vachiti, “Enda hako! Zvinhu zvose zvakaringana. Ahabhu, uri kurarama muchivi. Wakatiita sangano guru! Tiri vanhu vakuru. Tiri shumiro huru. Hepano patiri, tiri mazana mana evaprisita vakadzidziswa, kana kuti vaporofita. Tiri mazana mana, takadzidziswa muShoko nemudzidzo yebhaibheri. Tinoziva zvose pamusoro paRo.”

¹⁰⁴ Saka, zvino, zvakaratidza kuti vakanga vasingazive zvose pamusoro paRo. Murume uyo wawaiti munhu anopenga, muchizvarwa chaiva kumashure kwavo, Eria, muporofita wechokwadi waMwari, akanga aporofita, “ZVANZI NAJEHOVHA, ‘Imbwa dzichanananzva ropa rako, Ahabhu!’” Maona?

¹⁰⁵ Asi vaprisita ivavo, vaporofita vakagadzirwa nevanhu, vakafunga kuti vaiva naZvo zvose zvakanyatsogadzirwa zvakanaka. Vakati, “Baba Abrahama...kana kuti, Baba Ahabhu, endai henyu! Ishe vanemi. Mune Gwaro racho, nekuti Mwari vakapa nyika iyi kune Israeri. NdeyeIsraeri. Endai henyu! Ishe vanemi.” Oo, ini zvangu!

¹⁰⁶ Asi, munoziva, Jehoshafati, uyo akanga asina kuzvivhenganisa muchivi sezvakanga zvaita Ahabhu, akaita maonero ezvinhu akati siyanei zvishoma. Akati, “Hakuna here mumwezve?”

¹⁰⁷ Iye akati, “Tine mumwe pano, asi ndinomuvenga.” Maona? Chii chakanga chichiitwa naMwari? Vaidimura vanhu vaVo, nemuporofita, zvekare. “Ndinomuvenga. Hapana zvimwe zvaanoita kunze kwekungondipomera mhosva nguva dzose. Uye munoziva kuti ndiri munhu mukuru. Ndingadai ndisina seminari iyi iri zasi kuno dai ndainge ndisiri mutendi mukuru.

Ndine varume vakanyatsodzidziswa zvakanaka. Ndakavagarisa zasi uko vaine mabhuku nemaBhaibheri, nezvimwe zvose, kudzidzisa izvi. Uye ndinoziva kuti ivo varume vakuru.”

Asi dai Ahabhu akangocherechedza kuti muchinda iyeye aiva ani, muchinda mudiki uyu anonzwisa tsitsi aitaridzika kuve asina kushonga zvakanaka, mwanakomana waImura, akamira ipapo, akamuudza kuti, “ZVANZI NAJEHOVHA,” angadai asina kana kuita mhosho inouraisa iyo yaakaita. Asi iye akapa mhosva kuna Mikaya. Haana kumboita . . .

Oo, vanhu, cherechedzai zera ramuri kurarama mariri! Tarisa izvo zvakaitika. Tarisai izvo zvakavimbiswa. Cherechedzai zuva ramuri kurarama.

¹⁰⁸ Dai chechi yesangano nhasi ikagona kungocherechedza kuti sei ivo vari kupihwa mhosva, uye kuti nhengo dzavo dziri kutiza kubva kwavari, seIsraeri ichibuda kubva muEgipita! Dai masangano akangorega kupa mhosva matepi iwayo, uye ongoateerera! Uye iwe, muparidzi, uri kuteerera kutepi ino, iwe teerera! Dai iwe ukangocherechedza nguva yauri kurarama, dai iwe ukangocherechedza chiratidzo chenguva, unozoona kuti sei vanhu vari kutiza kubva kumasangano iwayo. Mweya waShe, uri kudana! “Hapana munhu anogona kuuya kwaNdiri,” Jesu akadaro, “kunze kwekunge Baba vaNgu vamuzvuva. Uye avo vose vaNdakapihwa, munguva dzakapfuura, naBaba, vachauya.”

¹⁰⁹ Semudzimai mudiki patsime, nemuprisita, vakanga vakasiyana kwazvo! Chinyorwa chiri pamadziro anhasi, zvekare. Vanochiona, asi havachicherechedze.

¹¹⁰ Dai maJudha akangocherechedza bedzi chiratidzo chakavimbiswa chaMesia wavo, maererano nemuporofita wavo wekupedzisira! Maraki 3 yakati, “Tarirai, Ndinotumira nhume yaNgu pamberi pechiso chaNgu, uye ichagadzirira nzira.” Uye ivo vaiti vaiMutarisira.

¹¹¹ Kuenderana kwa—kwakadini chaiko kusvikira zu—zuva ranhasi! Ivo vanoti vari kutarisira chimwe chinhu kuti chiitike. Machechi ose ari kunamata pamwe nekutsanya, uye achiti, “Zvino ngatinamatei. Ngatiunganei pamwe chete. Tinofanira kuva nechinhu chikuru chinofanira kuti chiitike. Tinoziva pane chimwe chinhu chikuru chichaitika. Chechi inofanira kugadzirira.” Ndizvo zvavari kunamatira pamusoro pazvo.

¹¹² Ndizvo zvavakanga vachinamatira pamusoro pazvo ikoko. Zvino hapo ndokuuya Johane Mubbahhatidzi. Nekuti, akaramba maseminari avo, nekuti akaita zvinopesana neizvo zvakadzidziswa nemadzibaba avo. Iye akabva murenje asina dzidzo. Haana kubuda kora yake yakapindurudzwa, sekutaurwa kwazvaiizoitwa nhasi. Akabuda asina chibutwa chikuru chedzidzo yebhaibheri. Asi akauya, achiziva kubudikidza nevimbiso yaMwari kuti akanga ari kuzozivisa Mesia.

Akati, "Amire pakati penyu zvino." Uye ivo vakafunga kuti aipenga, nekuti haana kubva nekuzvikoro zvavo. Chinyorwa chakanga chiri pamadziro, uye vakanga vasingazvizive. Ivo vaiti vaitarisira Munhu akadaro kuti achauya; uye Aive pakati pavo chaipo. Uye havana kuMucherechedza, kunyangwe ivo vakati vaiMutarisira.

¹¹³ Zvakangofanana, nemaJudha, izvo zvavari mazviri, seMarudzi nezvavo, nekuti zvakaporofitwa kuva chinhu chimwe chete, chinhu chimwe chete. Vaiti vaiMutarisira. Asi masangano zvino muzera reRaodhikia, reMarudzi anongova akapofomara sezvavaiva, nekuti (sei?) zvakaporofitwa kuti vachadaro. Zvinofanira kuitika.

¹¹⁴ Dai Israeri yakagona bedzi kungocherechedza chiratidzo chayo, vangadai vakaziva kuti nguva yekuuya kwaMesia yakanga yava pedyo. Dai vakanga vacherechedza!

Munoziva, va—vadzidzi vakataura izvozvo kuna Jesu. "Sei vanyori vachitaura, kuti, 'Eria anofanira kuuya kutanga'?"

¹¹⁵ Zvino Jesu akati, "Eria akatouya nechekare, uye havana kumuziva. Iye akanga achitova pano, uye vakatomuuraya nechekare. Vakaita chaizvo zvakataurwa neGwaro kuti vaizoita."

¹¹⁶ Dai vakangocherechedza chete, kuti "mupengereki" uya uyo akapa mhosva zvinhu zvose zvakapetwa kaviri zvavakaita, uyo akapa mhosva zvinhu zvose zvavaiita...Iye akati, "Imi vanyengeri! Regai kutanga ku...Nyoka dziri muuswa, imi chizvarwa chenyoka, ndiani akakuyambirai kuti mutize hasha idzo dzichauya? Regai kutanga kufunga mukati menyu pachenyu, 'Tina Abrahama anova baba vedu. Tine *uyu, uyo*, kana *mumwe*.' Nekuti ndinokutaurirai, Mwari vanokwanisa kubva mumatombo aya kumutsa vana kuna Abrahama."

¹¹⁷ Regai kutanga kufunga kuti mune Kanzuru yePasi rose paruoko rwenyu, uye kuti mune nhengo dzacho dzinopfeka zvakanakisisa kupfuura vamwe vose. Mwari vanokwanisa kubva mumakonzo emumukoto kunze kuno kumutsa vana kuti vazadzise Shoko raVo; zvipfeve, vanongombeya nemugwagwa, zvidhakwa, vatambi venjuga. Ivo vanokwanisa kuzviita. Vachiri Mwari.

¹¹⁸ Masangano akapofomadzwa, seIsraeri yakapofomara, vose vakaporofitwa kuva vakadaro. Ndiri kukuratidzai zvinoenderana, kusvikira ndasvika panzvimbo iyi yandava kusvikira pairi zvino. Vakapofomara, sema—masangano eMarudzi emuZera reRaodhikia, vakapofomara nhasi sezvavakanga vakaita ipapo.

¹¹⁹ Zera reRaodhikia rinofanira kugamuchira Mharidzo! Maraki 4 yakati vaizodaro.

Asi chii chavari kutarisira? “Sangano redu richaIunza. Kana Ikasauya kuburikidza nesu, veBaptisti, vePresbyteriani, ve—veAssemblies, veOneness, pane... kana tikasaIunza, Iyoyo haisi yechokwadi.”

Chinhu chimwe chete chavakaita muzuva iroro! Uye yakauya ikaenda, uye havana kuzviziva. Havana kuicherechedza, kunyangwe yakazadzisa Shoko rese. Jesu akati, “Vakaita sezvakanga zvakataurwa kuti vaizoita. Ndizvo zvimwe chete zvavachaita Mwanakomana wemunhu,” Iye aizorambwawa.

¹²⁰ Zvino cherechedzai, zvimwe chete zvino mumazuva eMarudzi, maererano neMagwaro akavimbiswa aMaraki 4.

Ayo, Jesu akati, “Gwaro rese rakafemerwa, uye hapana kana chidimu chaRo chingatadze kuzadziswa.” Hapana nzira ingatadzise Gwaro kuti risazadziswe. Ose anofanira kuzadziswa. Uye Jesu akati zvaizoitika. Uye pano tinoona kuti zvakaitika. Tinozviona.

¹²¹ “Kudzoreredza” chii, mumazuva ano ekupedzisira? Imi hama dzemumasangano, teerera! Kudzoreredza mutambo wepentekosti, wepakutanga. SezvaWakanga wakaita pakutanga, saizvozvo Uchadzoreredzwa Hwamanda yemutambo weIsraeri isati yarira. Unofanira kudzoreredzwa! Panofanira kuve nechimwe chinhu chinozviita. Maraki 4 yakati yaizodzoreredza Kutenda kwemadzbaba, kuvana, izvo zvaizoitika.

¹²² Dai Israeri yakanga yacherechedza Mesia wavo, chiratidzo chakavimbiswa, vangadai vasiri apo pavari nhasi. Dai vaive... Asi sei vasina kuzviita? Zvinonzwsa tsitsi. Sei vasina kuzviita? Nekuti Mwari vakati havaizozviita. Vangani vanozvitenda, itai, “Ameni.” [Ungano inoti, “Ameni!”—Mupepeti] Mwari vakati havaizozviita.

Uye ndiMwari mumwe chete akati, muZera reChechi yeRaodhikia, izvi zvaizoitika, uye hezvinoi zviri pamberi pavo. Vangagona sei kuita chero chinhu kunze kwekuzviita?

¹²³ Dai vakangocherechedza chiratidzo chakavimbiswa chaMesia, chiratidzo cheMwanakomana wemunhu! Iye akauya muzita reMwanakomana wemunhu. Zvino, iYe aiava muzita, kuburikidza nemuZera rePentekosti, muMweya Mutsvene, Mwanakomana waMwari. Zvino, chinhu chinotevera iMireniyamu, Mwanakomana waDhavhidhi. “Vanakomana” vatatu, Mwari mumwe chete. Mumwe chete, “Baba, Mwanakomana, Mweya Mutsvene,” Mwari mumwe chete. Mwanakomana waDhavhidhi, Mwanakomana waMwari... Mwanakomana waDhavhidhi, Mwanakomana wemunhu, Mwanakomana waMwari, ndiMwari mumwe chete nguva dzose, anongori mumahofisi matatu akasiyana emabasa.

¹²⁴ Ndizvo zviri “Baba, Mwanakomana, neMweya Mutsvene” kwete vanaMwari vatatu, asi Mwari mumwe chete mumwaka

mitatu, mahofisi matatu emabasa, saBaba, Mwanakomana, neMweya Mutsvene.

Asi, sanhasi, kupoFomadzwa netsika seZvavakanga vakaItwa ipapo, vakapoFomadzwa netsika, havazvione. Sei vasingazvione? Ivo havazombozviona. Rangarirai, iyoyo iZVANZI NAJEHOVHA.

Moti, "Sei muri kuzvitaura zvino?"

Zvimwe chete seZvakangoitwa naJohane, zvimwe chete seZvakaitwa nevamwe vose. Pane mumwe chete akanamira pano nepapo, anofanira kuburitswa. Oo, makwai aMwari, inzwai Inzwi raMwari! "Makwai aNgu anonzwia Inzwi raNgu."

¹²⁵ Mudzimai wePatsime akacherechedza zuva rake, kubudikidza nechiratidzo chaMesia. Akanga ari muchimiro chakashata. Akanga asingade kuwana chekuita nemachechi ekare aya, maitiro aaiita. Vairarama nenzira yese zvayo, uye, zvinhu zvavaiita, iye akanga asingatende muzvinhu izvozvo. Asi iye aiziva kuti paizouya Mumwe rimwe zuva. Muchinda mudiki anonzwisa urombo kumusoro uko, munzira inoenda kutsimi; akawana Chinhu ichocco chaakanga ari kutsvaka, apo paAkatanga kuzarura kwaari chakavanzika chemwoyo wake, ndokumuudza chivi icho chaakanga achirarama machiri.

Mudzimai akati, "Changamire, ndinocherechedza kuti iMi muri Muporofita." Zvino, ivo vakanga vasina kumbova nemumwe kwemakore mazana mana. Akati, "Ndinocherechedza kuti iMi muri Muporofita. Uye ndinoziva kuti kana Mesia auya Achaita zvinhu izvi."

Iye ndokuti, "Ndini Iye."

¹²⁶ Iye akacherechedza. Pakanga pasisina mumwe muvhunzo, "Ko Mungazviratidze sei?" Zvakanga zvatoratidzwa kare. "Kana Mesia auya, izvi ndizvo zvaAchaita."

Zvakanaka, kana iye achikwanisa kuzvicherechedza neMagwaro, ko isu hatingacherechedzewo here Zviedza zvemanheru uye nechiratidzo chanhasi?

"Tinoziva kana Mesia auya Iye achatiratidza zvinhu zvose izvi. Iye achatiuDza izvi."

Iye ndokuti, "Ndini Iye anotaura kwauri."

¹²⁷ Hapachisina mumwe muvhunzo zvekare. Hoyo ndokuenda, uye akanoudza vanhu, "Huyai, muone! Heuno Uyu ari pano." Pakanga pasisina muvhunzo kwaari. Zvakanga zvaringana, nekuti iye akacherechedza zuva raairarama mariri. Akaricherechedza.

¹²⁸ Ndizvo zvimwe chetewo zvakaitwa naNatanaeri, muHebheru mukuru, apo paakaona chiratidzo ichocco chaMesia chakanga chakavimbiswa ipapo; zvisina nebasu kuti maprisita mangani, zvingani zvimwe zvose.

Zvakaitei? Zvakakanganisa vaprisita, kuona vanhu vachisiya machechi uye vachienda. Iye akati, "Kana ani naani wenyu akanopinda mumusangano waKe, uchadzingwa. Tichakuburitsa kunze chaiko kwesangano."

¹²⁹ Saka ndizvo zvazviri nhasi. "Tichakuburitsa kunze kwesangano redu kana ukapinda mumusangano wake."

¹³⁰ Munorangarira murume bofu here? Baba naamai vakatotadza kupindura chaiko; vaitya. Nekuti, ivo vakati, "Chero ani zvake akaenda kunoona Jesu, kana—kana kupinda mumisangano yaKe, vaizodzingwa." Asi, murume uya bofu aikwanisa kuzvitaurira pachake, uyo aimbova bofu akange okwanisa kuona zvino.

¹³¹ Ini, uyo aimbenge ari bofu, zvino ndave kukwanisa kuona. Ini, uyo akange asingazine zvinhu izvi, izvozvo Zvakaziviswa kwandiri neMweya Mutsvene. Sunungurai, masangano, nekuti vari kuuya, zvakadaro! "Kana Ini ndikasimudzirwa mudenga kubva panyika, Ndichakwevera vanhu vese kwaNdiri."

¹³² Natanaeri akazvicherechedza. Iye aizviziva.

¹³³ Sezvakangoita humbowo hweMagwaro hwaMosesi, Shoko rakasimbisa. Mosesi aiziva kuti ndiyo yaiva vimbiso yezuva, nekuti yakanga iri yeMagwaro, zvisinei kuti yakanga isinganzwisisike zvakadii. Iye akati, "Ndiani wandingaudze ivo...ndichavaudza kuti ndakaona Chiedza seri kuno murenje. Ndingavaudze sei zvino kuti kwaiva neChiedza seri kuno, uye kuti Chiedza ichi chakandiudza kuti ndiende zasi uko?"

Ivo vakati, "Zvirokwazvo, Mosesi, Ndichange ndinewe." Uye kwete bedzi...

¹³⁴ Ivo havana kuzviratidza pachaVo zasi muEgipita; kunze bedzi nezvishamiso nezviratidzo. Asi apo paVakavaita kuti vose vaungane pamwe chete, Vakazviratidza kwavari zvekare, uye ndokusimbisa shumiro yaMosesi pamberi peVasanangurwa nevakadanirwa kunze. Apo muporofita iyeye paakanga avadimura kubva kunyika iyoyo uye akavaunza munzvimbio, zvadaro Shongwe yeMoto yakaonekwa zvekare, uye pamusoro peGomo reSinai.

¹³⁵ Zvienzanise nanhasi. Hmm. Ameni! Mwari ngavarumbidzwe! Zvinopfuura hupenyu kwandiri. Zera rangu rava kutanga kufamba zvishoma nezvishoma, uye ndiri kuona nguva yezvinyadzi nekushaiwa hunhu zvichitekeshera munyika nezvinhu, zvadaro ndinotarisa kumashure uye ndoona izvo zvakaitika. Mwoyo wangu unobva wasvetuka nemufaro, ndichiziva kuti mushure mechinguva tabhenakeri iyi yevhu yehugaro ichaparadzwa, asi ndine imwe yakamirira ikoko. Ndiri kuedza kudhonza vanhu, kuvakwachura kubva kune zvinhu izvi nezvinhu, kuvadhonzeru kunze; kuvaratidza, neMagwaro, kuti Mwari vakamira ipapo; nekusimbisa kweShongwe yeMoto,

io yakaonekwa nemazana nezviuru, uye vakaita kuti Itorwe, kumashure, nekamera, nguva nenguva, kuti vazviratidze.

¹³⁶ Vatevedzeri vakasimuka. Chokwadi, zvinofanira kuti zviitwe. Vatevedzeri vakasimuka muzuva raMosesi uye vakaita chinhu chimwe chete. Mwari vakati, "Zviparadzanise, Mosesi. Rega kuwanikwa uri pavari. Ini ndichavamedza." Uye nyika yakavatora. Uye ndizvo zvazviri nhasi; kudzokera munyika chaimo, zvirongwa zvemari nezvimwe zvose. Maona?

¹³⁷ Chiratidzo chaMosesi cheMagwaro! Iye aiva—iye aiva muporofita uya mukuru waMwari akaenda zasi ikoko kunovadzikanura, uye ivo vakazvicherechedza. Vakacherechedza chiratidzo. Iye aiva vimbiso yeMagwaro chaiyo, yakasimbiswa.

¹³⁸ Jesu aiva vimbiso iya yeGwaro, yakasimbiswa kumudzimai. Kana kuti, Iye aiva Dudziro yacho. Jesu aiva Dudziro yacho yeGwaro. Hupenyu hwaKe pachaKe hwaidudzira Gwaro.

¹³⁹ Hamuoni here Mharidzo yenguva? Munokwanisa kucherechedza patiri here? Mharidzo pachayo, kubva muGwaro, inodudzira kwauri nguva iyo yatiri kurarama mairi. Ndiyo dudziro.

¹⁴⁰ Jesu akati kune Israeri, "Dai wakangoziva zuva rako." Imwe nguva, akagara paGomo reMiorivhi, Iye akatarisa mhire, akati, "Jerusarema, O Jerusarema!" Akachema. Akatarisa pasi. Akaona.

Kwete mune chero kuenzanisa, zvichida, nzira yacho. Humwe husiku, mamwe mangwanani, dzingaite ten o'clock, apo pandakaona chechi iya chipfeve. Zasi mumwoyo mako, unonzwa Mweya Mutsvene uchidonhedza misodzi.

"Jerusarema, O Jerusarema, kangani Ini kandingadai ndakakuvhumbamira. Asi iwe wakaitei? Iwe wakauraya vaporofita avo vaNdakakutumira. Iwe wakavaponda."

Uye Mharidzo dzakatumirwa kuchechi, nhasi, dzakapondwa nedzidziso dzavo dzemasangano. Gwaro rakapondwa nedzidziso dzavo. Jesu akati, "Dai wakangoziva zuva rako! Asi, zvava kuresa zvino, nguva yapera zvakanyanya zvino." Saka ndizvo zvazviri nemachechi!

¹⁴¹ Ndinotenda, nemwoyo wangu wose, kuti haichagona kuti idzikinurwe. Hazvinei nebara nezvaunoda kufunga pamusoro pazvo, iwayo maonero ako pachako. *Aya ndeangu. Maona?* Haufanire kuva nemaonero angu. Asi ndinotenda kuti haichagona kuti idzikinurwe, uye yanga yakadaro, kwemakore mashanu kana matanhata apfuura. Ndinorangarira. Munorangarira Chicago. Cherechedzai izvo zvakaitika kubva ipapo, uye zvicherechedzei zvichiramba zvichiitika. Maona? Rangarirai, zita rangu riri pamberi pazvo. Rakanamirirwa kunze uko. IZVANZI NAJEHOVHA. Onai kana isina kudonha, inoenderera mberi.

¹⁴² Tarisai kune 1933, kuti iyo yakataura kuti madzimai aizozvibata zvakadini mumazuva ano ekupedzisira. Kuti yakataura kuti vanhu...Kuti sei Mussolini, kuti aizosvika sei kumagumo akae. Kuti Hitler aizosvika sei kumagumo asinganzwisisike. Kuti zvitendwa zvitatu zvaizopinda sei mukominizimu. Kuti michina yaizouya, ichitaridzika sezai. Uye kuti madzimai aizopfeka sei hanzu uye votaridzika sevarume, kunyangwe sehanzu dzavo dzemukati; uye pekupedzisira vozosvika pakupfeka mashizha emuonde, zvakada kudaro, pavari. Kuti mazvibatiro ekushaiwa hunhu, kuti ivo vaizozvibata sei muzuva ranhasi. Tarisai izvo zvavakaita. Uye zviri pamberi penyu chaipo, zvino.

¹⁴³ Dai madzimai eChikristu akangogona...madzimai anongodanwawo kunzi Makristu vakangogona kucherechedza, vakagona kucherechedza kuti mweya wekushaiwa hunhu uri pavari ndewadhiyabshore, unovaita kuti vadimure vhudzi ravo. Dhiyabshore ndiyе chinhу choga chinoita zvakadaro. Izvozvo zvinopesana neShoko raMwari kwauri, sezvazvakanga zvakangoita mubindu reEdheni. Chii chavakaita? Kana vakangokwanisa bedzi kucherechedza! Ivo vanoedza kutaura kuti, "Oo, chitaurwa, chemuparidzi uye muumburuki mutsvene mudiki wekare!" Handisi ini. Handisi kukutaurirai zvekuita. Ndiri kungotora kubva paShoko. Dai vainingokwanisa kucherechedza kuti ndidhiyabshore.

¹⁴⁴ Ivo vanozviti Makristu. Jesu akati, "Ko mungaNdidana sei kuti, 'Ishe,' uye morega kuita zvinhu zvaNdinotaura kuti muite?" Havakwanise kuva Makristu. Handisi mutongi wavo, asi ndiri kungotaura izvo zvakataurwa neShoko. "Ko mungaNdidana sei kuti, 'Ishe,' uye zvadaro morega kuita zvinhu zvaNdakataura kuti muite?" Uye Shoko rose pano chizaruro chaJesu Kristu. "Ko munoNdidana sei kuti, 'Ishe'?"

¹⁴⁵ Dai vakangocherechedza kuti ndidhiyabshore, mweya usina hunhu hwakanaka. Mamwe madzimai echidiki akanaka kunze uko...

¹⁴⁶ Ndinofunga ino ndiyo nzvimbo ine zvinyadzi zvakawandisa yandati ndamboona muhupenyu hwangu, Jeffersonville, Indiana, yemadzimai asina kusimira. Ndakange ndiri kuHollywood. Ndakange ndiri kwese-kwese. Ndakange ndiri pasi rose, uye ndikaona mhando yose yehutsvina. Ndakazviona muParis. Ndakazviona muEngland, inova mukuru wadzo dzose.

¹⁴⁷ Ndinofunga kuti England ichazonyudzwa rimwe zuva pasi penyanza. Yakazvikodzera; marara, tsvina, hutera! Iyoyo ndiyo nzvimbo yehunhu hwakaworesesa pasi rose, nzvimbo yevanhu vanopesana nemagwaro zvakanyanya, vanoaramba vandati ndamboona muhupenyu hwangu. Iyo yava izvozvo nekuti yakaramba Chokwadi.

¹⁴⁸ Billy Graham akati akatozotora mudzimai wake kubva mumapaki; zvinhu zvepabonde zvichiitika pakati pevarume nevakadzi, vakomana nevasikana, kunze chaiko mupaki, pachena. Iyo yava nzvimbo yetsvina; ndizvo zvaitawo France, ndizvo zvaitawo dzimwe nyika dzose. Uye ndizvo zvaitawo United States, ichiva mutungamiri wadzo dzese!

¹⁴⁹ Tarisai nhasi. Kuvaita kuti vagure vhudzi ravo, vapfeke zvikabudura, midhebhe, vasvute fodya, uye vachizvidana kuti vatendi. Haucherechedzi here, hanzvadzi, kana kuti mudzimai...Ndinoreva, ruregerero, kwete hanzvadzi yangu; kuita chinhu chakadaro. Haucherechedze here kuti ndidhiyabhore? Asi chii...

SemaJudha ekare, hamuzotendi Shoko rakasimbiswa apo paRinenge raratidzwa kwamuri. Munobatirira patsika dzenyu dzemasangano dzinoti zvakanaka. Munotaura nendimi, munosvetuka muchikwira nekudzika, munoimba muri mumweya, uye modimura vhudzi renyu. Mungafungidzire here Mukristu achiita izvozvo?

Ndakaona madhimoni, ndikaona n'anga, ndikavaona vachitaura nendimi uye vodudzira, nekusvetuka vachikwira nekudzika uye nekutamba mumweya; nekunwa ropa kubva mudehenya remunhu, uye votuka Zita rajesu Kristu.

¹⁵⁰ Iwe woti, "Ndiri nhengo yechechi. Hareruya! Kubwinya kuna Mwari! Ini..." Iwe uri wekupi?

Chechi iShoko! Uye Shoko rinoti, "Zvinonyadzisa kuti uzviite."

Imi boka revaFarise rakapofomadzwa, muchitungamira vana ava vanonzwisa urombo kugehena saizvozvo; nekuti unotyira muhoro, uye kuti unozburitswa musangano rako kana ukatanga chimwe chinhu pamusoro paRo. Unonyadzisa iwe, iwe munyengeri! Nyarawo nekuda kwazvo. Tichiona nguva ichiswedera seizvi, uye iwe wotendeuka nekuda kwetsika dzenyu uchibva paShoko raMwari. Wakashinga sei iwe, wakapofomadzwa!

¹⁵¹ Bhaibheri haritaure here kuti iwe wakapofomadzwa? Haugone kunzwisia here kuti iwe uri bofu? Bhaibheri rakati wakadaro. "Uye hauna kusimira, wakasuwa, unonzwisa urombo, uri bofu, uye hauzvizive." Paunofunga kuti une chechi hurusa muguta, uye unoita izvi, izvo, kana zvimwe; uye Bhaibheri rakati uri murombo sezvaunogona kuve, uye uri bofu. Uye Achiri akamira pamusuwo, achiedza kukutengesera mafuta ekuzodza meso; kwete kuatengesa kwauri, asi kuapa kwauri, uye hauagamuchire. Zvinozadzisa Gwaro.

¹⁵² Muri kurarama zuva ripi, vanhu? Munocherechedza nguva here, munocherechedza chiratidzo here?

¹⁵³ Dai vaigona bedzi kungocherechedza, ivo madzimai, kuti ndidhiyabhore. Ndidiyabhore asina hunhu, ari muzita rechinamato. Iye akagara akadaro. Akauya kumuporofita wese, akauya kune mutana wakare wese, akatouya kunyangwe kuna Jesu Kristu, semunhu munamati. Uye Bhaibheri rakati iye aizova “pedyo kwazvo mumazuva ekupedzisira,” kunyangwe maPentekosti, “uye aizonyengera vasanangurwa chaivo,” kubva muchechi yePentekosti iyoyo, “dai zvaigoneka.” [Chibenga chisina chinhu patepi—Mupepeti]

¹⁵⁴ “Vashoma,” Iye akadaro, “nekuti suwo rakamanikana nenzira inhete, uye asi vashoma ndivo vachaiwana. Nekuti sezvazvakange zvakaita mumazuva aNoa, umo mweya misere yakaponeswa, ndizvo zvazvichange zvakaita pakuuya kweMwanakomana wemunhu.” Fungai nezvazvo! Izuva ripi ratiri kurarama? Munocherechedza nguva here, munocherechedza zuva here?

Ndiri kutora nguva yenu yakawanda, asi ndine mamwe maminitsi mashoma. Maona?

¹⁵⁵ Kuvalta kuti vadimure vhudzi ravo. “Zvakanaka,” vanoti, “chechi yedu haiteerere kune izvozvo.” Munoziva kuti sei? Ivo mapofu.

“Hazvina kuipa kudimura vhudzi rako.” Bhaibheri rinoti zvakaipa! Chinotova chinhu chinonyadzisa kwauri kuti udimure vhudzi rako uye wotonamata.

Munoti, “Zvakanaka, mudzimai anofanira kufukidzwa.” Uye Bhaibheri rakati “vhudzi” rake ndiro chifukidzo chake. Kwete ngowani; vhudzi rake!

¹⁵⁶ Ko dai Mosesi akati, “Ndichabvisa ngowani yangu pachinzimbo cheshangu dzangu”? Zvingadai zvisina kushanda. Mwari vakati “shangu,” uye Mwari vaireva shangu.

Ivo vakati “vhudzi,” kwete ngowani! Kubwinya kuna Mwari! Vazvifarira izvozvo, ndine chokwadi. Mwari ngavarumbidzwe! Ivo vanongoreva izvo zvaVanotaura. Rugwaro harwuna dudziro yepakavanda. Harwungorevi zvesangano renyu chete; Rwunongoreva izvo zvaRwunotaura, uye Iye ndiye mududziri.

¹⁵⁷ Woti, “Ndinoziva mudzimai anoita zvakati.” Handina basa nezvaunoziva. Ndinoziva zvakataurwa naMwari nezvazvo. Iwe zviise paunokwana.

¹⁵⁸ Dai waingogona kuziva chete kuti chii, mudzimai. Uh! Dai waingogona kucherechedza chete! Kana kuti, “mukadzi,” kwete mudzimai.

¹⁵⁹ Ndakaona chikwangwani, ndichiuya ndichidzika kubva kuBlue Boar, zasi muna, ndinotenda ndiFifth Street uko, imwe imba yekunwira doro, vakati, “Matafura emadzimai.” Ndakangomira ipapo; ndikati, “Hamuna kumbova nemumwe.”

Mudzimai kwaye haapinde munzvimbos yakadaro. Mukadzi anogona, asi kwete mudzimai.

¹⁶⁰ Makacherechedza here, kuwa kwenyika kwakatanga nekushaiwa hunhu kwemudzimai? Munoziva here kuti zvichapera nenzira imwe chete, kushaiwa hunhu kwemukadzi? Uye chechi, inomiririrwa, nemudzimai? Chechi mudzimai, kutaura pamweya.

Saizvozvo Mwenga mudzimai, kutaura pamweya.

¹⁶¹ Kushaiwa hunhu kwechechi, kuitwa kwacho! Tarisai kune zviratidzo, tarisai kune zvinhu, onai zviratidzo kunyangwe izvo zvinopihwa naMwari, uye chiratidzo ichocho ndechechokwadi. Ndine Bhaibheri rangu riri pamusoro pemwoyo wangu, kunemi vanhu vari patepi; ungano inokwanisa kuzviona. Ndakazviona! Mwari Samasimba vanoziva kuti ichocho iChokwadi. Handina kumbozviviza kusvikira iye zvino. Hapo paari, “akashama, uye haazvivize.” Iye akanga achingova nenguva yake huru. Hezvoka izvo.

Asi Mwenga uya mudiki pawakauya pakuonekwa, waive wakasiyana. “Arfa naOmega!” Uh-huh.

¹⁶² Dhiyabhore anozviita. Asi semaJudha ekare, apo pavanoona Shoko . . .

Zvino Jesu akati kune vaKe, Iye akataura izvi kune vadzidzi vaKe, “Nzverai Magwaro. Imi, imi munoziva, muri kushaya kunzwisisa pamusoro paNgu pamwe neshumiro yaNgu. Nzverai Magwaro. MaAri munofunga kuti mune Hupenyu Husingaperi, uye Iwo anoNdipupurira, Iwo anokuudzai kuti Mharidzo yaNgu chii. Kana musingagoni kuNditenda, tendai Mashoko acho chaiwo ayo ari kududzirwa naMwari kwamuri.”

¹⁶³ “Hatsi kuzoita kuti Murume uyu atitonje. Tine vaprisita vedu pachedu, nezvakadaro.” Endererai mberi zvadaro, ndizvo zvoga zvinogona kutaurwa. Nguva yapera zvakanyanya, zvisinei. Maona? Tsika dzemasangano dzinoti zvakanaka, ivo vanoteerera kune izvozvo. Vangatoda kunzwa . . . Imi munotenda sho—shoko re—remunhu kupfuura kutenda kwamunoita Shoko raMwari. Havacherechedze. Machechi nhasi haacherechedze Timotio Wechipiri 3. Kana iwe . . .

¹⁶⁴ Ndiri kuona vamwe venyu muchinyora Magwaro pasi. Zvino, aya ndiwo Magwaro andiri kunokora kubva paari ipo pano. Okuti, kana chero munhu upi zvake akandivhunza pamusoro paro, kana ruoko rwangu pariri, ndinokwanisa kuvaratidza Gwaro racho razvo. Maona?

¹⁶⁵ Havacherechedze Timotio Wechipiri 3, apo Iyo payakati, “Mumazuva ekupedzisira, vanhu vaizonge vaine misoro mikukutu, vanokarira zvepamusoro, vanoda mafaro kupfuura kuda kwavanoita Mwari, vaputsi vesungano, vapomeri venhema, vasingazvidzori, uye vanozvidza avo vakanaka (Mwenga),

munoona; Vane chimiro chehumwari, asi vachiramba Simba racho; ibvai kune vakadaro. Nekuti iyi ndiyo mhando ichaenda kubva pane imwe imba kuenda pane imwe, uye votungamirira vakadzi vakapusa, vakadzi vakapusa vanotungamirirwa neruchiva rwakawanda, vasingatombodzidza kana kuti vasingatombokwanisa kusvika pazivo yeChokwadi.” Kwete! Havaitombozviita, uye havazviite. Mwari vakataura kudaro.

Uye, muFarise bofu, hausi kuzviona here? Handina kutsamwa; Ndiri kungorovera chipikiri mukati nekuchiita kuti chinyatsobata. Kunyangwe machechi haacherechedze Izvi. Vakadzi havakwanise kuzvinzwisisa. Ivo vanofanirwa... “Vakadzi vakapusa, vanotungamirirwa neruchiva rwakawanda,” Hollywood, mhando yose yezvinhu, vhudzi rakagerwa, vanopfeka zvikabudura, vanozvipenda kumeso, mhando yose iyi yezvinhu, izvo zvisina kukodzera. Munoziva here kuti mukadzi anoita chikamu chakakura mumazuva ekupedzisira?

¹⁶⁶ Munoziva Bhaibheri rakataura, kuti, “Avo vanopunyuka kubva mukutongwa kukuru uku vachave davi rakanaka kwazvo pamberi paShe”? Rimwe zuva ndichasvika kwazvir, Ishe vachida, pamusoro pazvo, kuitira imi madzimai. Ndokuitai kuti muone izvo Mwari vanofunga pamusoro pemudzimai anopunyuka zvechokwadi kutongwa uku kwezuva rino. Vakati, “Aizonge akanaka kwazvo.”

¹⁶⁷ Ndkanzwa mudzimai, rimwe zuva, achiseka kune... Musikana, boka revakadzi vakangosimira zviri pakati nepakati, vane hunhu hwakaderera kupinda—kupinda imbwa hadzi, vachiseka mumwe muchembere aiva nedhirezi rakareba. Teerera kuno, iwe mukadzi mudiki akanzvongama, ane chimwe chinhu icho chausina zvaunoziva nezvacho. Ane hunhu. Iwe hautomboziva kuti zita racho nderipi. Iwe wakarirasa nahwo muhudiki, potse. Iwe hautomboziva chakanaka kubva pane chakaipa; iye anoziva. Iye ane chimwe chinhu chakavanza mumwoyo make chausina chaunoziva nezvacho. Iwe wakachirasa; hauzombochiwani. Rega kuidana kuti wechinyakare, nezvimwe zvakadaro, saizvozvo. Iye anoziva chimwe chinhu icho chausina zvaunoziva nezvacho. Akazvivanza mumwoyo make, pfuma yehunhu. Iwe hauzive shoko rimwe chete rahwo. Amai vako vakakurera zvakadaro. Mufundisi wako akazvitendera; zvinoratidza apo paakamira. Ndiri kuparidza nezvake ipo pano zvino. Maona? Muri kuona pamuri here, machechi?

¹⁶⁸ Jesu akati, “Rugwaro rwese urwu rwunofanira kuzadziswa.” Uye Rwazadziswa.

¹⁶⁹ Cherechedzai, “SaJane naJambure vakapikisawo Mosesi,” iye achanyatsouya, vamwe vacho. Kwete, iko zvino, haasi kutaura nezveMethodisti, Baptisti, pano; hadzimo munuya

yacho. Maona? “Asi saJane naJambure vakapikisana naMosesi naAroni, saka ivo vachadaro; varume vane pfungwa dzakarasika maererano neChokwadi,” vakatsveyamiswa muzvidzidzo uye nedzidziso dzechechi, pachinzvimbo cheBhaibheri.

Uye ipapo Jane naJambure vaikwanisa kuita chero chinhu chipi zvacho icho chaigona kuitwa naMosesi. Munona, “saJambure,” munona kuunderana kuri ipapo?

“SaJane naJambure vakapikisa Mosesi, ndizvo zvinoitwawo neverume ava vepfungwa dzakarasika maererano neChokwadi, vanoChiramba,” havangave naCho munharaunda yavo, havatoshandidzane naCho, havangatove nechokuita naCho. Asi rakati, “Hupenzi hwavo huchazivikanwa.” Kana Mwenga iyeye achinge amira pachaKe uye okwira kumusoro kumatenga, zvichaziviswa, musanetseke; saMosesi, paakatora vana veIsraeri, ndokutiza kubva muEgipita, uye Egipita ikanyura. Zvakana.

¹⁷⁰ Jesu akati, “Rugwaro rwose rwakapihwa nekufemera, naizvozvo kuti Rugwaro rwose rwunofanira kuzadziswa.” Apo Iye . . .

Ivo vakaMuvhunza, vakati, “Iwe unoZviita Mwari.”

¹⁷¹ Iye akati, “Imi, mumurairo wenyu pachenyu, munodana vaporofita avo vaivingwa neShoko raShe kwavari, maiвати ‘vanamwari,’ uye ndizvo zvavari.” Akati, “Zvino ko mungaNdipe mhosva sei apo paNdinoti Ndiri Mwanakomana waMwari? Magwaro ese aya anopihwa nekufemera; rose zvaRo rinofanira kuratidzwa, rose zvaRo rinofanira kuzadzikiswa.”

Munoona ipapo, ivo vakangopofomara kwazvo, vakabatikana kwazvo neshoko remunhu kunze kwekuti vabatikane neShoko raMwari. Ndizvo zvinoita kuti madzimai vaite izvozvo. Ndizvo zvinoita kuti vaparidzi vaite izvozvo. Ivo vakabatikana nemubhishopi pachinzvimbo chaJesu. Vakabatikana mazviri, neravo—nebhegi ravo remari, ungano yakakura.

¹⁷² Kuti ndingoona kana ndine mukurumbira. Torai vanhu, vanobva muJeffersonville, vari muboka duku riri pano remuJeffersonville; torai vanobva kunze, kweJeffersonville, vanobva mutabhenakeri ino mangwanani ano, Handaizova kana kuti kuva nehafu yedhazeni vokuparidza kwavari. Chinombova chii? Iyo yakagadzirwa nevanobva munyika mose; kubva kuNew York, kubva kuMassachusetts, kusvika kuBoston, Maine, Tennessee, Georgia, Alabama, nekwakapoteredza munyika. Vari kuungana pamwe chete. Amen! Ndizvo zvaAkataura. “Kuchava neChiedza munguva dzingada kuita dzemanheru.”

¹⁷³ Havagone kucherechedza Chiedza chemanheru. Ndiro dambudziko racho. Iyo haingoChicherechedzi. Yakapofomara zvakanyanya. Bhaibheri rakati yakadaro.

¹⁷⁴ Russia yakazogamuchira nzvimbo yayo munyika, mune zvesainzi, zvisingadarike makore angaita makumi mana apfuura. Munoziva, apo pakauya Hondo Yekutanga Yepasi rose, havana kumbobvira...Havana kumboita hany'a neRussia. Hama Roy...Yaingova boka revasingazine, vaye vahombe vekuSiberia vekare, ndebvu dzakazara kumeso kwavo, uye vasingazine ruoko rwerudyi nerweruboshwe. Ndizvozvo, Russia, asi yakacherechedza nzvimbo yayo. Yakatoziita kuti izadzise Gwaro. Munoziva zviporofita zvangu zvezvandakataura kuti zvichaitika, kuti izvo zvese zvizoungana sei muchikoministi. Zvino iyo inotungamira nyika mune zvesainzi. Isu tiri kumashure kwayo chaizvo. Dzimwe nyika dzose dziri kumashure kwayo. Iyo inotungamirira iri nzvimbo yayo. Yakangocherechedza kuti ine njerewo, zvekare.

¹⁷⁵ Cherechedzai, munhu ane pfungwa nhanhatu dzimwe chete dzaaiva nadzo zviuru zvitanhatu zvemakore apfuura. Zviuru zvitanhatu zvemakore apfuura, nepfungwa dzaaive nadzo, aibata imba yake yepanyika uye achishumira Mwari. Uye zvino, mumakore makumi manomwe nemashanu apfuura, ayo munhu akabva pabhiza nengoro, kusvika pakuvu anofamba nechitundumuseremusere. Sei? Akatsauka achibva pakutenda kwake muna Mwari, ndokuzvishandura kuti zvive kune pfungwa dzake nekugona kwake semunhu wenyama. Makacherechedza here? Akachirega kuvimba naMwari. Anovimba nezvaari pachake.

¹⁷⁶ Semudzimai uyu asingatendi kuti kuna Mwari. Zita rake rinonzi ani, kuWashington uko, uyo akashandura zvese izvi? [Mumwe munhu anoti, "Murray."—Mupepeti] Zita rake rinonzi ani? ["Murray."] Murray, akati, "Chero bedzi tine mauto epasi pamwe nemaauto emumvura, hatidi Jehovha wekare." Uh-huh. Handina hany'n'a nekuti tine chii.

NdiJehovha kana kuti hapana chimwe, kwandiri. Regai mauto epasi nemaauto emunyanza zvinyure, uye zvichadaro, asi Jehovha achagara aripo nekusingaperi. Chero bedzi ini ndiri chikamu chaKe, uye ndiri mwanakomana waKe, ndichagara naYe nekusingaperi; kwete nekudanwa kwangu kana nesarudzo yangu, asi nesarudzo yaKe. Ameni, ameni! Ndaive ndisina nechekuita nazvo. Iye ndiYe wacho! Ndipe iYe kana kuti ndipei rufu. Regai nyika dzisimuke uye dzigowa; Jehovha vacharamba varipo. Ivo vakazviita, kupfurikidza nemune ose mazera; apo Roma payakawa, apo Egipita payakawa, uye nedzimwe dzose padzakawa. Uye Ivo vanongoramba vari Jehovha. Oo, hareruya! Ndiri kunzwa manyukunyuku ekunamata.

¹⁷⁷ Chikonzero Russia yakabengenuka, iyo yaifanira kudaro. Sezvakangoita Israeri yaifanira kupinda munyika yayo. Mwari vakatotinha Israeri kuti idzokere kumusha kwayo, kuitira Hwamanda. Uye saka ndizvo zvakaitwa naMwari kutinha

Russia kumusoro uko, muchikoministi, kuti iite chaizvo izvo zvakaporofitwa kuti yaizoita.

¹⁷⁸ Munhu nepfungwa dzake nhanhatu akanga achangouya, nebhiza nengoro, achivimba naMwari. Mumakore makumi manomwe nemashanu ano ekupedzisira, iye akarega kuvimba naMwari. Pavakasaina bumbiro remitemo reUnited States ino, vakaisa Mwari mune zvese zvavaiita. Iye zvino havachatomboiti kana musangano, uye havachatombotaura Zita raKe. Ndizvozvo chaizvo. Ivo vanovimba nekusimukira kwesainzi dzavo, ivo, hunyanzvi hwavo hwesainzi dzavo; boka rakatsveyama. Ndizvozvo chaizvo. Nyika yose yakamedzwa mukusaziva Bhaibheri. Bhai...nyika yose yakatsauka ichibva pana Mwari.

Asi, chimbofungai, kubva pakati chaipo pezvoze izvozvo, uye chechi dzemasangano uye nezvinyadzo zvavo zvese zvemaseminari nezvimwe zvose, Mwari vakatora Shoko revaporofita vaVo vakaveza Mwenga uyo anozotenda. Vakati Ivo vaizozviita. Vakaveza kubva pane chinhu ichocco izvo zvaVakavimbisa kuti Vaizoita.

¹⁷⁹ Ivo vanovimba nehuchenjeri hwavo hwevanhu, sainzi dzavo dzevanhu, nezvimwe zvakadaro; ndokusiya Mwari kunze, Uyo waaimbovimba naye. United States yakasiya Mwari kunze. VakatoMubvisa kubva muchikoro, zvokuti vana vedu vadiki havagone kana kunzwa nezvaKe. VakaMubvisa kubva muchikoro. Zvino vave kuedza kuMubvisa kubva pamadhora, "Muna Mwari tinovimba." Vari kuzozvibvisa kubva pakuzvipira kumureza, "Nyika imwe chete iri pasi paMwari." Ivo vari kuzozvibvisa izvozvo.

¹⁸⁰ Maona, vakaenda kumanzwiro avo nepfungwa dzavo pachavo. Nekuti, mumakore makumi manomwe nemashanu apfuura, iye haana kushanduka nepadiki pose mupfungwa dzake, iye achiri munhu mumwe chete Mwari zvaakamusika pamavambo.

Asi, mumazuva ano ekupedzisira, haugone kucherechedza here apo patiri? Uye chechi yatendeuka, kubva kuna Mwari, kuenda kune izvozvo, kuenda kune seminari neruzivo, nezvimwe zvakadaro, pachinzvimbo cheShoko. HavachatoVacherechedzi mumisangano yavo, muzvikoro zvavo, hapana kana, zvachose.

¹⁸¹ Israeri, mumakore makumi maviri nemashanu apfuura, yakacherechedza kuti chimwe chinhu chakavaunza kunyika yavo, sezvakanga zvakavimbiswa. Ivo havazive kuti zvakamboitwa sei. Vakatambura muzvinhu zvese, kufira chitendero, pasi padzo Hwamanda, asi ivo vava munyika yavo. Havazive kuti sei.

¹⁸² Ko sei Russia yakabengenuka? Sei nyika dzakabengenuka? Sei munhu akazokwanisa kubudirira? Apo vanamuzvinasainzi, makore mazana matatu apfuura, muzvinasainzi wechiFrench akakungurutsa bhora richimhanya nekamwe kamhanyiro

nepamusoro penyika, uye akaratidza, nekunzvera kwesainzi, “Kana munhu akamboita kamumhanyiro kanotyisa kemamaira makumi matatu paawa, giravhiti yaizomusimudza kubva panyika; zvichienderana nehuremu hwake, zvichienderana nehuremu hwebhora.” Zvino ari kumhanya mamaira zviuru gumi nezvinomwe paawa, munoona, achiri kungoedza kuramba achikwira. Achangozvicherechedza izvozvo, munguva shoma yapfuura. Sei? Zvinofanira kunge zvakadaro.

¹⁸³ Hongu, chechi yaisimbomira padombo rajesu Kristu. Zvisinei nekuti mumwe munhu aiti kudii, vaigara neShoko iroro, mharidzo yenguva; Luther, Wesley, uye zvichidzika kupfurikidza neimomo. Uye zvino vadzokera kumashure kune zvetsika. Sei yakazviita izvozvo?

¹⁸⁴ Makore makumi maviri nemashanu apfuura, Israeri ichangocherechedza kuti vari munyika yavo kuitira chimwe chinhu. Zvakaporofitwa kuti ivo vaizofanira kuunganidzwa zvekare; Hosea akataura kudaro. Tazviverenga nguva yapfuura. Mwari vatibatsire kuti tizvinzwisise! Zvakanaka.

¹⁸⁵ Panguva imwe chete, Mwenga acherechedza Chiedza chemanheru, achangotanga kucherechedza. Mapentekosti ane nzara atanga kucherechedza kuti masangano haana zvinhu zvavanga vachitsvaka, ivo vakavhiringika pamwe nekubvaruka-bvaruka. Maona, inguva yekucherechedza, kucherechedza. Unofanira kucherechedza.

Nyika yakacherechedza. Marudzi akacherechedza. Sainzi yakacherechedza. Dhiyabhere akacherechedza kuti ino inguva yaanokwanisa kuparadza madzimai, kuparadza chechi, kuparadza vanhu. Iye akazvicherechedza.

Uye Mwari vakacherechedza kuti pane vanhu panyika avo vaVakatemera kuHupenyu. Vakacherechedza kuti ino ndiyo nguva yekutumira Mharidzo yaVo. Ivo yakazviita. Vanhu vakaIcherechedza, nguva yeMwenga yakacherechedza Chiedza chemanheru.

¹⁸⁶ Dai Sodhoma yakanga yacherechedza mazuva ayo, apo payakaona vatumwa vaya vachiuya zasi ikoko, saBilly Graham naOral Roberts!

¹⁸⁷ Zvino, mumwe munhu akatsveyama muPhoenix akangosimuka akati...akaridza chikamu icho pa—patepi, uye akati ini ndakataura pano, ini “ndinofanira kubhabhatidza muZita rajesu,” akadaro. Uye zvadaro akati, “Zvino munoona pano, neche pano akati...” Apo pandakanga ndichitaura nezveAfrica, kuti ivo vaibhabhatidza sei katatu chiso chakatarisa kumberi, uye nemanhede. Akati ini ndakati, “Hazviite kana mutsauko.” Munoona, haana kuzoridza tepi yese; chikamu ichocho chega, ndokuidimura.

Iyoyo, inotozova mhosva inokupinza mujeri ukazviita. Iwo matepi aya zvemazvirokwazvo anocherechedzwa zviri

pasi pamutemo. Hapana munhu anogona kuakanganisa. Zviri nani kuti usazviita. Uno—uno—unosungwa nemutemo. Asi ko tingazviita here? Kwete. Akati, “Varegei vakadaro.” Mwari vakandiudza izvo zvichazoitika. Chingotarisai, chingorambai makatarisa pane munhu iyeye. Maona?

¹⁸⁸ Panguva imwe chete, Mwenga acherechedza Chiedza chemanheru.

Dai Sodhoma yainge yakacherechedza nguva yayo!

¹⁸⁹ Zvino, munhu mumwe chete uyu akaisa patepi, akati, “Tarisai pano, kunemi vanhu maPentekosti,” akati, “nemi maBaptisti. Murume uyu, muporofita wenhema, William Branham,” munoona, “akataura kuti Oral Roberts naBilly Graham vaive muSodhoma.” Maona, ndokudimura tepi; ndizvo zvoga, munoona.

Haana kuzoenderera mberi kutaura, kuti, “Vaiva vatumwa kuSodhoma.” Kwete muSodhoma, “Vakanga varipo senhume kuSodhoma.” Munhu wese anoziva kuti ndakataura izvozvo. Ridza tepi yako.

“Ani naani anobvisa kana kuwedzera, zvimwe chete zvichabviswa kwaari.” IShoko raShe. Rinomira rakadaro.

¹⁹⁰ “Dai Sodhoma yainge yakacherechedza mutumwa wayo, ingadai yanga ichiri yakamira nhasi,” Jesu akadaro, dai yainge yakacherechedza zvimwe chete sekucherechedza kwakaita Abrahama.

Abrahama aiziva kuti paiva nemwanakomana akavimbiswa aiuya. Asi iye aiziva kuti paifanira kuva neshanduko neimwe nzira, nekuti iye akanga akwegura zvakanyanyisa, uye ndizvo zvaise Sarawo zvekare. Asi apo paakaona Uyo Aikwanisa kunzvera pfungwa dzaSara, kumashure kwaKe, akacherechedza nguva yaairarama. Iye akati, “Ishe wangu, regai ndichere mvura shoma pano uye ndigogeza tsoka dzeNyu.” Ivo vakadya chimedu chechingwa. “Regai ndiKukumbirei, chimbomirai kwechinguva chishoma,” munoona, pano, “I-s-h-e wangu,” vara guru I-s-h-e, “Erohimu.” Akacherechedza kuti Mwari vaitaura naye vari munyama yemunhu. Akacherechedza chiratidzo chake, uye akaropafadzwa naShe.

Sodhoma havana kucherechedza zuva ravo, uye vakapiswa. Jesu akati, “Sezvazvakanga zvakaita muzuva iroro, ndizvo zvazvichange zvakaita apo Mwanakomana waMwari ari...kana kuti Mwanakomana wemunhu paanenge achiratidzwa.”

¹⁹¹ Zvino, chechi haina kucherechedza zuva rayo. SeIsraeri, yakamanikidzwa kudzokera kuParastina, iyo ichamanikidzwa kupinda Mukanzuru yeMachechi ePasi rose. Sei? Haina kucherechedza nguva yayo. “Vanhu, budai mairi, regai kuva vadyi vechivi chayo!” Tiza, nehupenyu hwako, kana kuti

uchabatwa nemunembo wechikara uye hauzokwanisi kuita chimwe chinhu pamusoro pazvo.

“Regai uyo ane tsvina arambe aine tsvina. Regai uyo ari mutsvene,” kwete *achazova* mutsvene, “mutsvene iko zvino. Regai uyo ari mutsvene,” kwete akage-... mudzimai akagerwa vhudzi; haagoni kuva akadaro. Zvino, izvozvo zvakanyatsokwasharara, asi ndiro Gwaro. Bhaibheri rinoti, “Iye anozvidza musoro wake,” uye musoro wake murume wake. Iye Musoro wake ndiKristu, saka anozvidza Kristu. Ko angave sei “asingaremekedzeke” orega kuva “ane tsvina”? “Regai uyo akagerwa vhudzi arambe akadaro. Regai murume, mukadzi anopfeka zvikabudura arambe achizvipfeka. Regai uyo anoramba Shoko arambe achiRiramba.”

“Asi regai uyo ari mutsvene arambe ari mutsvene. Regai uyo akarurama arambe akarurama; uye Shoko raMwari rakanurama, Mwanakomana waMwari akaratidzwa. Ramba uri mutsvene, ramba wakanurama!” Cherechedza! Hongu, changamire! Mazuva asina...

Chechi haina kucherechedza zuva rayo.

¹⁹² SeIsraeri, yatzoka munyika yayo yevimbiso, iyo haizive kuti yakatzoka sei imomo. Yakangoerekana yaiswa imomo. Sei? Simba renyika rakaiisa munzvimbo mayo.

Zvino ndichataura chimwe chinhu. Simba renyika rakaisa Israeri munyika mayo; simba renyika richaisa chechi muKanzuru yeMachechi ePasi rose; asi simba raMwari richaisa vanhu muMwenga. Nyika inomanikidzira kuenda nenzira *iyo*, uye nyika inomanikidzira kuenda nenzira *iyo*, asi Mwari vanomanikidzira kuenda kumusoro. Mweya waMwari, unova Shoko raMwari, “Shoko raNgu Mweya neHupenyu,” uchaisa Mwenga munzvimbo yaWo. Nekuti, Achacherechedza nzvimbo yaKe muShoko, ipapo Ari muna Kristu, achaMuisa munzvimbo yaKe. Hapana simba renyika richazviita izvozvo. Asi simba renyika ndiro rakaendesa Israeri kunyika kwayo; masimba enyika eKanzuru yeMachechi ndiwo achaendesa sangano regarega richipinda mairi; asi simba raMwari richasimudza Mwenga kupinda muKubwinya, uchibva mazviri.

¹⁹³ Oo, vanhu, cherechedzai zuva renyu, sekuyambirwa kwamakaitwa naJesu; chiratidzo cheSodhoma, uye chinhano chechechi muzuva ranhasi.

¹⁹⁴ Tarisai izvo zvaAkataura muzuva ranhasi kuti zvaizoitika. Nyatsoteererai kwazviri nepedyo. Chiratidzo cheSodhoma chaizoitika muzuva racho; chiratidzo chakaita saAbrahama, zuva riya Sodhoma isati, uyo akadanirwa kunze. Zvinhu zvese izvi izvo zvakaporofitwa, zvichange zviri kuitika zvino. Tarisai zuva ramuri kurarama. Tazvidzokorora tikazvidzokorora.

¹⁹⁵ Zvino Vakavimbisa kukutumirai Chiedza cheKudenga, kuzoibvisa Mbeu yeShoko iyo inodyarwa kuitira zuva ranhasi.

Mbeu iri *Pano*. Mbeu iBhaibheri. Sei? Jesu akataura kudaro. “Shoko ndiro Mbeu iyo yakadyarwa nemukushi.”

Uye, zvino, usati wava nechirimwa chipi zvacho, zvisinei kana ukadyara mbeu, inofanira kuwana chiedza kuti chiibvise mbeu iyoyo, kana kuti ichawora uye hapana chakanaka chainozoita; inoparara. Asi kana mune mbeu muvhу, ivhu kwaro, nechiedza chezuva chakafanira pairi, inofanira kuibva.

Uye Akavimbisa kuti mumazuva ekupedzisira, munguva dzemanheru, Mwanakomana aizobuda kuzoibvisa Mbeu iyoyo. Mbeu iri kuperidzwa. Mwanakomana waMwari ari kuibvisa Mbeu iyoyo, kuburikidza nekuIsimbisa, achiIita kuti ibude kunze pamberi penyu uye nekuratidza kuti Iyo ndeyechokwadi. Muri kuzvibata here? [Ungano inoti, “Ameni.”—Mupepeti] Cherechedza zuva rako.

Ndava kuvhara zvino. Yava nguva zvino yekuvhara.

¹⁹⁶ Uye vaRaodhikia vapfumi, vakapofomara, vakadzidza vaizobvisa Shoko kubva pakati pavo. Ko vakazviita here? [Ungano inoti, “Ameni.”—Mupepeti] Ivo vakati vaizodaro.

Sezvo vaporofita vekare vaitumwa kuzosimbisa Shoko rakavimbiswa rezuba ravo, kuitira kuti vanhu avo vaiva vakatemerwa, vezuba ravo, vakaRiona. Semudzimai wepatsime, saNatani, Bhartimeo bofu, saPetro, nevamwe vese vakaRicherechedza. Iye aiva Shoko iroro. Zvino kuburitsa, “Kana Ndikasaita mabasa ayo akavimbisa naBaba kuti Ndaizoita, zvadaro musaNditende. Asi kana Ndikaita mabasa, kunyangwe musingaNditende, tendai iwo mabasa. Iwo anokutaurirai kuti Ndiri Ani.” Mazvibata here? Zvakanaaka, regai kupotsa zuva, rakatumirwa. Varume nemadzimai vemamwe mazuva vakaRicherechedza, vakapinda uye vaiva vakachengeteka.

¹⁹⁷ MaPentekosti, oo, ini zvangu, ko sei musingacherechedze zuva renyu? Cherechedzai zuva renguva yemanheru. Riri pano, uye riri pano, kuti, risimbise kuuya kwaKristu, kukusimbisa. Tava kumagumo. Cherechedzai zuva renyu.

¹⁹⁸ Ndinoziva ndakuchengetai kwenguva yakareba. Dzava twelve o'clock zvino. Asi, ndinofarira Chikafu ichi, Uhwu Hupenyu. Ndiwo. Ndiwo, kumutendi. Cherechedzai zuva ramuri kurarama, uye nechiratidzo chenguva.

¹⁹⁹ Onai kuti zvinhu zvose zviri papi: Israeri; chechi iri papi; kushaiwa hunhu kuri papi; Mwenga wakamira papi. Chii chasara? Chinhu chinotevera, kutorwa kumusoro kweMwenga. Hongu, chechi yese iri kutarisira chinhu chikuru. Pentekosti inoti, “Kubwinya kuna Mwari! Pachauya zuva iro ravari kuzoita izvi, uye ravari kuzoita izvo.” Munona, ivo vanhu vanongotaura. Vanototenda.

²⁰⁰ Sezvakaita, imwe nguva, Kayafasi akati, “Hazvina kunaka here kuti munhu mumwe chete afe, uye pane kuti nyika yese iparare?” Iye aiva muprisita mukuru, Bhaibheri rakadaro, chiri chikonzero iye akataura izvozvo. Akaporofita, asingazine izvo zvaaitaura. Asi ko akacherechedza here chokwadi chaicho chazvo, kuti aipirisa Mwari wacho chaiye uyo waaitaura kuti aiva muprisita wake mukuru?

Ndizvo zvazviri, nhasi! Vari kutarisa, kure kune imwe nzvimbo, uko imwe—imwe nguva huru ichauya.

²⁰¹ Handiti, ndinoenda mukonivhenisheni yeBusiness Men pamwe navo. Ivo vanoti, “Kubwinya kuna Mwari!” Ivo vaparidzi vanosimuka vozungunutsa mhomho, uye vachiti, “Pari kuuya rumutsiriro rwakakura. Ruoko rwaShe rwuchange rwuri panyika!” Uye kuti vanhu vari kuenda sei, vachimhanya kunge... Uye havacherechedze kuti zviri pasi peHwamanda dzeIsraeri. Sei vachizviita? Nekuti ivo vanhu vanongopupura kuva Makristu, uye vasingacherechedze. Kunyangwe naKayafasi haana kuziva izvo zvaaiita. Uye ivo havazive kuti vari kuramba Mharidzo yacho chaiyo iyo yakatumirwa kwavari. Ameni!

²⁰² Chikamu chose cheGwaro, takaenda nemachiri zuva nezuva, uye vhiki nevhiki, kusvikira chave Chokwadi chisingapikiswe. “Kana bofu risingakwanise kuChigamuchira,” Jesu akati, “vasiyei vakadaro. Kana bofu rikatungamirira bofu, vose vari vaviri vanowira mugoronga.” Handizive kuti rinhi, handizive kuti kupi, asi ndinoziva kuti zviri kuuya.

²⁰³ Munoziva, ndiri kuona kuti sei Satani anga asingade kuti ini ndiite izvi. Nezuro, ndakava nemanzwiro akaipa kwazvo. Ndakatadza kuwana Shoko kubva kuna Ishe. Ndakaita zvose zvandaiziva kuita, uye ndakatadza. Uye mangwanani ano, pandamuka... ndakadaya chibage, nezuro, uye zvakaita sekunge chakangogara imomo mudumbu mangu. Ndakarwara kwazvo, ndakango—ndakangoshaya zvekuita. Ndakafunga, “Chii chakakanganisika pano? Ndiri kuenda zasi uko, uye handizive izvo zvandiri kuzonotaura. Uye, Ishe, handisi kukwanisa kana kuwana Gwaro mupfungwa dzangu, kuti ndinyore pasi. Handisi kukwanisa kuwana kana chinhu.” Handina kungoziva zvekuita.

Zvadaro, mushure mekunge Mharidzo yatanga kuuya kwandiri, Satani ndokuramba achiti, “Uri kunzwa zvakaita kwazvo. Musoro wako uri kurwadza. Uri kurwara. Haukwanise kuenda zasi uko. Haukwanise kumira ikoko. Zvichange zvakaita izvi, zvichange zvakaita izvo.”

²⁰⁴ Ndinorangarira, imwe nguva, imwe nyaya yemumwe mucockney mudiki muEngland. Iye aingova munhuwo zvake. Zvino vakataura kuti ma—ma—mambo, mumwe wemadzimambo mumazuva epakutanga akanga achienda mumuzinda wake—wake. Uye, uyu, akanga asina mumwe... Iye aiva neshoko raaida kutumira, shoko rekukasika, nekuda

kwemuvengi. Uye saka iye—iye—iye akati kune muchinda mudiki uyu aive akamira ipapo, iye akati, “Pano, tora shoko iri, tora shoko iri! Kurumidza kuenda kune *imwe—imwe* nzvimbo, uye unoraira *izvi* kuti zviiitwe.” Uye iye akati, “Tora tsvimbo yangu yehumambo muruoko rwako. Ndiyo ichakusimbisa, kuti ini... watumwa kubva kwandiri.”

²⁰⁵ Zvino iye akaipfekera mukati mehanzu yake, uye ndokuenda. Varindi kwese-kwese vachimumisa, munhu wese zvake. Achidanidzira, “Ibva pano! Ndine shoko ramambo.” Ameni. “Ndiri mutumwa wamambo,” shoko rakasimbisa.

²⁰⁶ Ndafunga, “Satani, ibva munzira yangu! Ndine Shoko raMambo. Ndinofanira kuenda.”

²⁰⁷ Imwe nguva apo pavakauraya Muchinda weRugare, vakaMuisa muguva, ndokuisa chisimbiso pabwiyo, zvino rufu rwakaMubata kwemazuva matatu nehusiku. Asi pamangwanani eEsta Akanga ane tsvimbo yamambo muruoko rwaKe, ndokudanidzira, “Ibva pano, rufu! Ibva pano, bwiro! Zaruka! Ndiri Shoko raMambo. Ndinofanira kumuka kuti ndiratidze rumuko urwu. Ndini rumuko neHupenyu.” Hareruya! Ndiri kunzwa zvakanaka kwazvo zvino.

IShoko raMambo. NgatiRicherechedzei, shamwari, nekuti takadanirwa kuzoungana pamwe chete kuitira kuridzwa kweHwamanda. “Nekuti Hwamanda yaShe icharira, ipapo nguva haizovapo.”

²⁰⁸ Ivo vakaunganidza Israeri. Mazuva matatu, muzuva retatu Ivo vakati Vaizozviita. Makore zviuru zviviri nemazana manomwe apfuura. Muzuva retatu Vakati Vaizovaunganidza pamwe chete, uye Vakazviita. Vakati Vaizozivisa nzira yeHupenyu. Hezvoka izvo, vakangomirira zvino kuti Mwenga ubve munzira kuitira kuti ivo vagone kuuya, vaporofita vaviri, Vaporofita vechiHebheru, avo vachacherechedza.

²⁰⁹ Munorangarira ini ndakamira muCairo, kuti ndiende kumusoro ikoko, apo Lewi Pethrus akati, “Hama Branham, kana vakazonoona izvozvo... Ivo vanotenda vaporofita vavo.”

²¹⁰ Ini ndikati, “Chinhu chakanaka kwandiri.” Munoona here kuti munhu akaita sei? Asi munooona here nyasha dzaMwari? Ini ndikati, “Ndichaverenga Testamende Itsva iyi.” Ivo vakaIverenga. Lewi akavatumira, anopfuura miriyoni, ikoko, Hama Lewi Pethrus vanobva kuSweden. Ivo vaizoIverenga, vachiuya vachikwira nekudzika zasi ikoko, ivo maJudha; kwete seboka iri remazuva ano remaJudha, asi vari munyika yavo. Zvino ndokuiuya zasi, akati, “Kana uyu ari Mesia, regai timuone achiita chiratidzo chemuporofita, isu tichazvitenda.”

²¹¹ Lewi Pethrus akati, “Hama Branham, hoyo mukana. Hoyo mukana.” Mumwe munhu akandiudza kuti—kuti iwoyo waizova mukana. Ini ndakanyatsopinda, kunyatsopinda mazviri.

Mumwe murume akauya ndokugara ipapo, Hama Arganbright, vakati, "Hama Branham, izvozvo zvinozomutsa Israeri! Vaunzei pamberi paRo, uye moratidza chiratidzo chemuporofita. Ivo vanozozvitenda."

²¹² Ini ndikati, "Ishe, ndiri pano, ndakagadzirira." Ndikasvetukira mundege; ndikatora mari ndokuzvitengera tikiti; ndokumira muCairo. Ndikati, "Hongu, ndakagadzirira."

²¹³ Mweya Mutsvene ndokuti, "Iyi haisi nzvimbo yako. Iyi haisi nguva yako." Munoono, unoziendera pamberi pakro. Ndakafunga, "Oo, ini zvangu! Ndauya kwese kuno; ndiri—ndiri kuzoenda."

²¹⁴ Chimwe chinhu chikati, "Mira ipo pano! Rega kuenda naikoko. Tendeuka upinde muIndia. Rega kuenda ikoko. Enda uko kuIndia, asi rega kuenda kuno uku."

²¹⁵ Ndakafunga kuti, "Sei?" Pandakanga ndava kufamba kubva kuseri kwechivakwa chinogara ndege, ndakati, "Ishe Jesu, izvi zvinorevei?"

Zvadaro Ivo vakazvizivisa kwandiri. "Kwete Murudzi. Vaporofita ava ndivo vacho." Zvinofanira kuva maringe neGwaro. "Mosesi naEria vanofanira kuuya." Uye, kunze kwazvo, Mwenga hausati wabviswa munzira nazvino. "Uye vaporofita ivavo vachadzoka uye ivo vachaita chiratidzo chemuporofita." Ndiro Gwaro racho. Ipapo zvese zvinozadzikiswa ipapo, zvakakwana, Israeri senyika ichazvarwa nezuba rimwe. Ameni! Zviedza zveusiku zviri kupenya!

Pachava neChiedza munguva dzingaita
dzemanheru,
Nzira inoenda muKubwinya iwe uchaiwana
zvechokwadi;
Nemunzira yemumvura, ndimo mune Chiedza
nhasi,
Wakavigwa muZita raJesu rakakosha.
Vadiki nevakuru, tendeukai pazvivi zvenyu
zvese,
Mweya Mutsvene zvechokwadi unozopinda;
Zviedza zvemanheru zvauya,
Ichocho ichokwadi kuti Mwari naKristu
Mumwe.

²¹⁶ Tava panguva yekupedzisira, shamwari. Uye zvadaro tinofunga nezverwiyo urwu rwemunyori akafemerwa, apo paakati:

Nyika dziri kupamuka, (aya anenge ave
makore gumi nemashanu apfuura), Israeri
iri kubengenuka,
Zviratidzo izvo zvakafanotaurwa
nevaporofita;

Mazuva eMarudzi ave mashoma, (tarisai tsvina dzake zvino) akazara nokutyisa;
Dzokerai, O imi makaparadzaniswa, kune yenyu.

Zuva rerudzikinguro rave pedyo,
Moyo yevanhu iri kukundika nekutya;
Zadzwi neMweya waMwari, ivai nemarambi enyu akagadziriswa akajeka,
Tarirai kumusoro, rudzikinguro rwenyu rave pedyo. (Ndizvozvo chaizvo.)

Vaporofita venhema vari kunyepa, Chokwadi chaMwari vari kuchiramba, (Hachisi chokwadi ichocco here?)

Jesu Kristu ndiyi Mwari wedu.

Havazvitende Izvozvo. Vane zvitendwa zvemhando dzakasiyana-siyana nezvinhu!...?...chokwadi. Asi muporofita akati... Kana kuti, munyori akafemerwa akati:

Isu tichafamba neapo pakatsikwa nevaapostora.

²¹⁷ Munorangarira muchiratidzo changu? Ndakati, “Kana vanhu vaPauro vakapinda, saka nevanguwo, nekuti ndakaita chaizvo sezvaakaita.” Ndiri kugara ndakurarama naRo.

Iwo mamiriyoni vakasimudza maoko avo, vachiti, “Takazorora pane izvozvo!”

Chii? Cherechedzai zuva ratiri kurarama, nguva yatiri kurarama, chiratidzo chenguva yatiri kurarama. Nguva inogona kuva yapera kupfuura zvatinofunga. Rimwe remazuva ano, regai uyo ari kunze agare ari kunze. Uyo ari mukati anofanira nekusingapere kuramba ari mukati. Mukova uchavhara.

²¹⁸ Kana pane vamwe pano mangwanani ano vasati vafamba vachipinda nazvino, oo, muZita raJesu, vanhu vangu vanodikanwa...

Regai kutarisa kune muranda uyu asingazive akamira pano, asingagone kunyora kana kuverenga, asina kudzidza, asina kudzidza; regai kutarisa pane izvozvo. Asi tarisai kune Shoko riri kuratidzwa. Tarisai kune Mweya Mutsvene mukuru Uyo anoRisimbisa kuti ndereChokwadi. Tiri panguva yemanheru. Nguva yapera kupfuura zvamunofunga. Regai...

²¹⁹ Madzimai, regai vhudzi renyu rikure. Hanzvadzi, ndapota bvisa hanzu idzo dzetsvina. Rasirai midzanga yefodya iyo kure. Nekuti nguva ichauya, yekuti, “Uyo ane tsvina, ngaarambe ane tsvina; uye uyo akarurama, ngaarambe akarurama. Uyo ari mukati ari mukati; uyo ari kunze ari kunze.” Muganhu uya mudiki, uri pedyo, “Kana munhu akarurama achizoponeswa nepadiki-diki, ko achadini mutadzi neuyo asina humwari,” uyo anoramba Chokwadi, munoziva, “ko ivo vachaonekwa papi?”

Ngatikotamisei misoro yedu.

²²⁰ Zvino, muChiedza chenguva ino yatiri kurarama, Chiedza chezuva iro ratiri kurarama mariri zvino; imi vakakosha nevanodikanwa, imi munobva kumatunhu akasiyana-siyana ari munyika, regai tose zvino, uye ini pamwe nemi, paaritari ino, ngatizvinzverei. Ko Mweya waMwari uri mumwoyo yedu zvakadini nhasi? Rangarirai, ndiwo Mweya uya, usina kupomerwa, usina kusvibiswa; chero dzidziso yechechi ipi zvayo, nezvinhu zvose, zvapfuura zvachose.

²²¹ Haungazova nehushingi hwekedza kuwedzera kwaRiri kana kubvisa kwaRiri. Nekuti, kana ukaedza kuisa dudziro paRiri, pachako, chikamu chako chinobviswa muBhuku reHupenyu. Uri kuedza here kutaura izvo zvisina kutaurwa neMweya? Uri kuedza here kuRiita kuti riite sekunge Rakataura chimwe chinhu? Kana kuti, iwe unongoRitora chaizvo sezvaRakataura, uye woRisiya rakadaro? Uri kubatanidza here, kudimura, kutepa, kuita zvinhu zvisina kunaka? Wakadaro here?

²²² Unoti, “Zvakanaka, handingonzwe sekunge ndinofanira kuita *izvi*. Kana kuti, zvichida, ini—ini—ini ndinoziva chechi yangu haiRitende. ‘Iroro rinongova shoko remunhu mumwe chete pamusoro paRo.’”

Munhu mumwe chete iyeye ndiMwari. Bhaibheri pano rinoi haufanire kugera vhudzi rako. Izvi... Bhaibheri rakataura kudaro. “Zvichaitika kuti vakadzi vachapfeka hanzu dzakaita sedzevarume, uye kuti ivo vaizova chinyangadzo sei kuna Mwari.” Kuti Mweya Mutsvene wakazvitaura sei nemauri, mudziyo uyu wakaninipa, usina kukodzera uyo akangova aripo akamira muzera iro Mambo mukuru akati, “Herino guva raNgu, Shoko raNgu.” (“Heino Tsvimbo yaNgu,” waro.) “Tora Tsvimbo yaNgu, uye uende, uye ugounza Mharidzo.”

²²³ Ndinoziva kuti masangano akaedza kuImisa, uye kuIburitsa kunze, nekuIdzingira kunze, nekuIkavira kunze, nezvimwe zvose. Asi, nenyasha dzaMwari, ndiri munzira yangu, ndichidanidzira kubva kune imwe nyika kuenda kune imwe nyika, kubva pane imwe nzvimbo kuenda kune imwe nzvimbo, kubva pane imwe chechi kuenda kune imwe, “Budai mazviri!” Iyo haifarirwe, asi iYo ndeyeChokwadi.

²²⁴ MungaIgamuchire here mu—mu—muMweya waYakanyorwa nawo? MungaIgamuchire here muMweya waYakapiwa nawo? Kana wanga usati nazvino... Hatina nzvimbo yekuva nearitari; mwoyo wako ndiwo aritari. Ungasimudze ruoko rwako here, woti, “Mwari, ivai netsitsi kwandiri. Regai Mweya waMwari upinde mandiri, uchindipomera zvino pazvivi zvangu zvose, pamwe nekushushikana, tsika dzangu dzose dzakaipa, nehasha dzangu huru, negakava, nekurwa, nekushushikana, nezvinhu zvose zvandakava nazvo. Uye ndinoziva chimwe chinhu, kuti

mweya wangu hauna kunyorovera Denga. Ndiitei munyoro, Ishe, munguva ino yekupedzisira. Iyi inogona kuva mharidzo yekupedzisira yandichazonzw. Ino inogona kuva nguva yekupedzisira iyo yandichazombonzwa Mharidzo. Ndasimudza ruoko rwango. Mwari, ivai netsitsi kwandiri.”

²²⁵ Mwari vakuropafadzei. Maoko akawanda. Zvino, kwechinguva chidiki chemunamato wechinyararire kuitira imi. Imi masimudza maoko enyu, zvinoratidza kuti muchiri kuzvida. Zvinotaridzika kwandiri sekunge Mweya uchiri kudaidza mumwe munhu.

²²⁶ Mwari vanodikanwa, iMi Munoziva zvinhu zvese. Uye Makaita zvinhu zvese nechinangwa chezvinhu zvese, nekuti, vamwe vaifanira kupihwa mhosva, vamwe vaitofanira kupofomadzwa; vamwe, “semuumbi uyo akagadzira mudziyo,” sekutura kwaPauro, “mumwe ndewekukudzwa uye mumwe ndewekusakudzwa.” Uyo wakagadzirirwa kusakudzwa, waingovapo bedzi kuratidza uyo waizokudzwa. Asi hazvisi muruoko rweMuumbi here kuti aite zvaAnoda? Hazvisi zano rakatemerwa raMwari here, kudaidza? “Uyo waVakafanoziva, Vakadana. Avo vaVakadana, Vakavaruramisa. Uye avo vaVakaruramisa, Vakavabwinya.”

²²⁷ Zvichida vamwe vavo pano nhasi vakaita semudzimai uya mudiki wepatsime, vari uko mutsvina, vari uko mukusatenda, vari uko mutsika dzevanhu, dzidziso dzakagadzirwa nevanhu. Zvichida ndekekutanga kavati vambonzwa zvinhu izvi, asi chimwe chinhu chayambira moyo yavo zvinoshamisa. Pane mazhinji, maoko akawanda asimudzwa, Ishe. Regai Muumbi mukuru atore mudziyo iwoyo iye zvino uye auumbe kuva mudziyo unokudzwa. Ndinotenda pane chimwe chikonzero, Ishe, kana kuti vangadai vasiri kuita izvozvo, vangadai vasiri kutaura izvozvo. Ndichiri kutenda, ndichiri ndakabata kuitira ivo.

²²⁸ Regai muranda weNyu akazvininipisa akumbire zvakasimba, Ishe. Regai tivakumbirire zvakasimba, seuyo anomira pakati pevapenyu nevakafa; semumwe uyo muSodhoma aikumbirira vaSodhoma, “Budai mairi! Budai mairi, nekukurumidza!”

²²⁹ Dai vauya, Ishe, mukuzvininipisa nemukutapira kuchigaro chaMwari zvino, mumwoyo mavo, vachiti, “Jesu, kubva nhasi, zvichienda mberi, Muchava wangu. Ndinoita chitsidzo ichi kwaMuri pano zvino, apo ndakagara pano muchigaro chino apo Mweya weNyu wandirova. Kana Wandirova pano, handifanire kuenda mberi kupfuirira ipo pano. Ipo pano ndipo paMasangana neni; ipo pano ndipo patiri kuzozvigadzirisa; ipo pano pachigaro chino chechipiri, chigaro chechitatu, chigaro chechishanu, chero zvachingava. Ipo pano ndipo pazviri kuzogadziriswa, nekuti pano ndipo paMandipa mhosva, pano

ndipo paMavimbisa kuti muchazvigadzirisa. Nekuti kunyangwe ndaizova ndakasviba uye ndine tsvina, ndichaitwa akachena sechando. Ndichatenda Shoko reNyу rese. Ndakagadzirira kufamba maRiri, kuRitenda, kuRigamuchira.

“Uye ini zvino ndinoita izvi kuitira kurumbidzwa kwaMwari, ndichiziva kuti hupenyu hwangu hahuna kundinakira, hauna kunakira Mwari, hauna kunakira vavakidzani vangu, hauna kunaka kune chero chipi zvacho; hwakangonakira dhiyabhore, kuti andiite chi-chinhu chekutambisa, kuti andikandire kwese-kwese, zvichida kuti ndive chekutambisa chemumwe murume chekutarisa, zvichida chidhoru chemumwe mukadzi. Mwari, ndiitei muranda kwaMuri.” Zviitei, Ishe. Ndinovakumikidza kwaMuri zvino, nemuZita raJesu Kristu, Mwanakomana weNyу.

Nemisoro yedu yakakotamiswa, nemwoyo yedu.

Ndiri kunzwa Muponesi wangu . . .

Mukuperera, shamwari. Inogona kuva iri nguva yako yekupedzisira. Unokwanisa kunzwa here Inzwi diki riya?

. . . achidana,
Ndiri kugona . . .

Chii chaAri kudana . . . Chii chiri kukudana, kana ari Muponesi wako? Shoko.

. . . Muponesi achidana,
Chii chaunofanira kuiita? Kuramba nyika.

Uye ndotora muchinjikwa wangu ndotevera,
ndotevera . . .

“Handina kuita hanyn’ a nerubhabhatidzo muZita raJesu, Ishe.”

Ndichaenda naYe nemubindu,
Ndichaenda . . .

NaYe, kupi? Nemumvura, nemubindu, nechero kupi hako; imba yemunamato, muchidziva, chero kupi zvako. Zvisarudze!

. . . kuenda naYe nemubindu,
Ndichaenda naYe, naYe nzira yose.

Ndichaenda naYe nemukutongwa (zvisinei
nekuti Shoko ndere chokwadi kana kuti
chechi ndeye chokwadi),
Ndicha . . .

“Zvisinei nekuti ndiri pachokwadi here, kana kuti Ivo vari pachokwadi. Hana yangu yakanaka here, kana kuti Shoko raVo ndere chokwadi here?” Iwe uri munzvimbo yekutongera zvino. “Izvo zvandakatenda, ndezvechokwadi here, kana kuti Shoko raVo nderechokwadi here? Ndinofunga kuti zvakakanaka here kuva nevhudzi pfupi, kupfeka zvikabudura? Ndinofunga kuti zvakakanaka here kuva nhengo yesangano?” Ko iYe akati kudii?

Ndichaenda naYe, naYe nzira yose.

Zvino uko kwaAnonditungamirira
ndichatevera,

Ndakasimudza maoko anguwo, zvekare, Ishe. Ishe, chero kipi hako, Mharidzo inotevera inofanira kuparidzirwa kipi? Ndemuno tadtzoka here, manheru ano, uko kuAfrica, Germany, Switzerland? Ndekupiko, Ishe?

Uko Iye... (chero kipi kwaMunotungamirira,
Ishe)... ini ndichatevera,
Ndichaenda naYe, naYe nzira yose.

Zvino nemisoro yenyu ichikotamiswa.

²³⁰ Uchaenda naYe kwese kwaAnokutungamirira here? Uchaenda naYe apo nguva padzinenge dzakaderera here, vanhu pavanenge vachitambudza, vachiseka, vachiita jee? "Imi ndicharamba ndinaYe. Ndicharamba ndichienda. Ndicharamba ndichifamba pamwe neMi, Ishe, chero kwaMunenge muri. Ndicharamba ndakamira ndakatendeka uye ndiri wechokwadi. Mukupisa kwehondo, ndicharamba ndakamira ndakatendeka uye ndiri wechokwadi. Kana ndikawa, Imi muchandisimudza zvekare, Ishe. 'Uyo anorasikirwa nehupenyu hwake nekuda kwaNgu achahuwana.'"

Saka ndichaenda naYe, naYe kwese...

²³¹ Zvino vose vanorevesa izvozvo, zvichibva mumwoyo menuy, ngatisimudzei maoko edu zvino, nemwoyo yedu, kwaAri.

Ini... Uko kwaAnonditungamirira
ndichatevera,
Uko kwaAnonditungamirira ndichatevera,
Uko kwaVanonditungamirira ndichatevera,
Ndichaenda naYe, naYe nzira yose.

Achandipa nyasha nekubwinya,
Achandipa...

Ishe Jesu, femerai pamahengechepfu aya zvino. Podzai vanorwara ava nevanotambudzwa, Ishe. Zviitei, Ishe. Vapei kupodzwa, Ishe, muZita raJesu.

Uye mugoenda neni, neni nzira yose.

²³² Muri kunzwa zvakakanaka zvino here? [Ungano inoti, "Ameni."—Mupepeti] Muri kunzwa kuti zvose zvagadzirira zvino here? ["Ameni."] Kana Iye...

Hwamanda yaShe icharira, uye nguva
haizombovepo, (ndiyo Hwamanda
yekupedzisira iya, zvino)

Uye apo mangwanani anova Ziandanakuenda,
rinopenya uye rakanaka.

Ngatirwuimbei, isu tese zvino. "Kana Hwamanda yaShe ichinge yarira." Tipe kiyi yacho.

Kana hwamanda yaShe ichinge yarira, uye
nguva haizombovepo,
Uye mangwanani anova Ziendanakuenda,
rinopenya uye rakanaka;
Apo vakaponeswa venyika vachaungana mhiri
kune mamwe mahombekombe,
Kana mazita odaidzwa kumusoro uko,
ndichavako.

Kana mazita odaidzwa kumusoro uko,
ndichavako.

Pamangwanani iwayo anopenya asina makore
apo vakafa muna Kristu vachamuka,
Uye kubwinya kwerumuko rwaKe togoverana;
Kana ipapo zvose zveupenyu zvichinge
zvapera, uye nebara redu panyika rapera,
Uye mazita odaidzwa kumusoro uko,
ndichavako.

Kana mazita odaidzwa kumusoro uko,
ndichavako.

²³³ Ngatisimudzei maoko edu, toti, “Nenyasha dzeNyuu, Ishe.”
Nenyasha dzeNyuu, Ishe! [Ungano inoti, “Nenyasha dzeNyuu,
Ishe.”—Mupepeti]

Zvino, tiri hama nehanzvadzi muna Kristu.
Ngatingotendeukei tichingokwazisana nemumwe munhu ari
pedyo newe, uye woti, “Nerubatsiro rwaMwari, kana mazita
odaidzwa kumusoro uko!”

Kana mazita odaidzwa kumusoro uko,
ndichavako.

Chii chatiri kumirira?

Kana Hwamanda iyoyo (yacho
yekupedzisira)... Ishe ichinge yarira, uye
nguva haizombovepo...
(Tinenge tatopinda muna Ziendanakuenda,
“Kamwe-kamwe, mukubwaira
kweziso.”)... uye rakanaka;

Uye zvadaro apo vakaponeswa venyika
vachaungana uko kune mamwe
mahombekombe,
Kana mazita odaidzwa kumusoro uko,
ndichavako.

Ngatingonyatsorwuimbei!

Kana mazita odaidzwa kumusoro uko,
ndichavako.

²³⁴ Oo, ichange iri nguva huru! Uchingofamba hako, rimwe zuva, uye hepano pooneka mumwe munhu. “Ndiani uyu? Amai!” Ameni! “Haisi kuzova nguva yakareba zvino.” Mumaminitsi anongova mashoma, iwe washandurwa. Uye ticha...tichasangana navo, ipapo tobva tobvutwa pamwe chete navo, kunosangana naShe muchadenga. Oo, kamwe-kamwe, mukubwaira kweziso. Woti, “Ava ndiHama Seward, hama yekare iyo yaimbova pachechi pano! Hongu, ava ndiHama DeArk. Ava ndiHama *Nhingi*-...Nhai, tarira pano, vose vakandikomberedza! Chii chiri kunetsa? Pano mumaminitsi angori mashoma...Ndinoziva kuti vanenge vatozviratidza kwandiri. Hakusi kuzova nenguva refu zvino. Ndiri kuzoshandurwa izvozvi, kamwe-kamwe, kamwe-kamwe.” Oo, hongu! Uye mangwanani ova Ziendanakuenda, rinopenya uye rakanaka. Makore ose asinganzwisisike... .

²³⁵ Sekutura kwaAkaita, “Israeri, wakange wakaita segore remangwanani, mhute, uye kururama kwako kunopera.” Uye kana zvose zvichinge zvanyangadikira muChiedza cheMwanakomana Uyo akazvibata zvose, ameni, zvadaro, “Mazita anodaidzwa kumusoro uko, ndichavako.” Zvakanaka.

Kusvikira manheru ano:

Kusvikira tionane! Kusvikira tionane!

Hatitive kuti inguva ipi yazvichaitika, shamwari. Yakagara iri nyaya, nguva yakareba, asi iChokwadi, uye zvichaitika. Tiri panguva yacho chaiyo zvino.

Kusvikira—kusvikira tionane, kusvikira ti... .

Nenyasha dzaMwari, tino tarira, naseven-thirty nhasi manheru.

Mwari vave nemi kusvikira tionanezve.

Ngatisimukei zvino patsoka dzedu.

²³⁶ Oo, hazvina kunakisa here izvi? “Idzi ndidzo nzvimbo dzeKumatenga muna Kristu Jesu.” Handaizochinjanisa izvi nechinhu chipi zvachro. Munoziva kuti ndinofarira kuredza zvakadini uye nemadiro andinoita kuvhima, nekuti

ndinoona Mwari kunze uko murenje. Ndinozvida. Asi, oo, handingazoshandura miniti imwe chete yeizvi, pane zviitiko zvose zvemazana emakore. Miniti imwe chete yeizvi, kugutsikana ikoko!

²³⁷ Mwari, sikai mandiri rumutsiriro. Regai ini ndive rumutsiriro rwacho. Regai mumwe nemumwe wedu ave rumutsiriro, rumutsiriro mandiri. Ndiitei, Ishe, kuti ndive nenzara, ndiitei kuti ndive nenyota. Sikai mandiri, Ishe, izvo zvinodikanwa mandiri. Regai ini, kubva panguva ino zvichienda mberi, ndive weNyū; muranda akazvikumikidza zvakawedzera, muranda ari nani, akaropafadzwa zvakanyanya neMi; anokwanisa zvakanyanya, akazvininipisa zvakawedzera, ane tsye nyoro zvakawedzera, anobvuma zvakanyanya kushanda; anotarisa zvakanyanya kune zvinhu zvakanaka, uye achikanganwa zvinhu zvakapfuura, uye nezvinopesana. Regai ndishingaire ndakananga kunharidzano yekudana kukuru kwaKristu. Ameni.

Ndicho chishuwo chedu, handicho here? [Ungano inoti, “Ameni.”—Mupepeti]

Zvakanaka, regai, kusvikira tionane nhasi manheru, ngatitorei Zita raJesu nesu zvino, mumwe nemumwe wenyu zvino.

Tora—tora Zita raJesu newe,
Mwana wekuswa nenhamo;
Richakupa mufaro nekunyaradzwa,
Ritore kwese kwaunoenda.

Zita rakakosha, Oo rinotapira sei!
Tariro yenyika nemufaro weDenga;
Zita rakakosha, Oo rinotapira sei!
Tariro yenyika nemufaro weDenga.

Zvino ngatikotamisei misoro yedu.

Tora Zita raJesu newe,
Senhowo kubva kune muteyo wose;
Kana miyedzo yakumomotera . . .



KUCHERECHEDZA ZUVA RAKO NEMHARIDZO YARO SHO64-0726M
(Recognizing Your Day And Its Message)

Mharidzo iyi neHama William Marrion Branham, yakaparidzwa kwokutanga neChirungu Svondo mangwanani, Chikunguru 26, 1964, paBranham Tabhenakeri muJeffersonville, Indiana, U.S.A., yakazotorwa kubva patepi yakarhekodwa ndokuzodhindhwa muChirungu pasina chakamurwa. Kuturikirwa uku muchiShona kwakazodhindhwa nokugoverwa neve Voice Of God Recordings.

SHONA

©2020 VGR, ALL RIGHTS RESERVED

VOICE OF GOD RECORDINGS, ZIMBABWE OFFICE
8 ST. ANNES ROAD, AVONDALE, HARARE, ZIMBABWE

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Chiziviso chekodzero

Kodzero dzose dzakachengetedzwa. Bhuku iri rinokwanisa kudhindhwapi papirinda yekumba kuti ushandise uri iwe pachako kana kugovera kunze, usingatengesi, semudziyo wekuparatzira Evhangeri yaJesu Kristu. Bhuku iri harigoni kutengeswa, kudhindhwapi akawanda, kuiswa pawebhusaiti, kana kuwana mumuchina waringachengeterwa, kuturikirwa mune mimwe mitauro, kana kushandiswa kukumbira mari pasina mvumo yakanyorwa nevekuVoice Of God Recordings®.

Kuwana umwe umboo kana zvimbewo zviripo zvingawanikwa, tapota nyorerai:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org